

MARK

gv Gamlv Milambv

Mintamchonam

Mark gv Gamlv milambv vbv minrapdu “Si Pwknvyarnv gv Kuunyilo akin, Jisu Kristo gv Alvnv Yunying ngv.”

Jisunyi Pwknvyarnv gv tojupkunam a okv rinamvngnama gvla rinv vngnv nyi gubv kaatamdo. Ninyia Pwknvyarnv gv tolwk nama ninyigv tamsarnam lokv kaatamdo, ninyigv jwkrw v uyuvram vdwa doolv yakunam, okv nyi vdwgv rimur vdwa mvngnga jikunam. Jisu atubongv nyi Kuunyilo gobv minsuto, Nw aalaku atugv svngtung ham mvngnga tokula okv nyi vdwa rimur lokam naalin jikunv.

Mark, Jisu gv higu sum mindakala rungbv, ri-lagvnnv gobv minjito, Jisu ninyigv gamchar lokv tamsarnam mumse nga, ninyigv rinamvngnam alvyanv gubv kaatamdo.

Jon Baptist gv lvkwng nga, okv Jisu gv bap-tisma naanam okv Jisunyi pokayarka kunam, um achukgo kaatamro kochingbv, sum lvknv si Jisu gv mvpuripu nam okv tamsarkinu nama baapubv kaatamyado. Aluayuv vngya yayaku Jisu gv rigv-nam vdww ninyigv lvkwng nga alvyabv china toku. Vbvritola Jisunyi nyirunv vdww abuyabv haak yayato. Minya nvbv mvrwmpa vdww so Jisu gv nyia mooku so rinyadw alu am, ninyia daapo lo takki kunam a pwbwng alvbbv, okv turkurkunama minpa jido.

Gamlv sokv lvknyanam lvga so mirinyi, mvrw-nam gv arwng soka doonv gaam vdw sum Mark lvknya yaku mabv, kvvbi gunv lwknya pvku nvgo vla kam mindu.

Arwng lokv darlinnam

Gamlv nga mintumingke bv minrap kunam
(1:1-13)

Galili lo Jisu nyi apumlo gamlv mingo karnam
(1:14-9:50)

Galili lokv Jerusalem lo (10:1-52)

Ataranya lo okv Jerusalem gv nvchilo (11:1-15:47)

Jisu gv turkurkunam (16:1-8)

Turkurkunv Ahtu gv kaatamsikunam okv ao bv chaakunam (16:9-20)

Jon baptist gv japgo karnam

(Mt 3:1-12; Lk 3:1-18; Jn 1:19-28)

¹ Si Pwknvyarnv* gv kuunyilo, Jisu Kristo gv Alvnnv Yunying ngv ² Si nyijwk Aijaya gv lvkpv kunam aingbv rirap toku:

“Pwknvyarnv minto, ‘Ngo ngoogv gindungpingko nga nonu gvlo vngcho more nw nonugv lvgabv lamtv nga mvko jire.’

³ Chukrimooku lo nyi go gokdungdo, ‘Ahtu gv vngku lvgabv lamtv nga sorchi dvbv pacho laka!’ ”

⁴ Vkvlvgabv Jon chukrimooku lo aalwkto, baptisma jitoku okv Japkar† toku. “Nonu rimur

* **1:1** Megonv kitaplo domado Pwnvyarnvgv kuunyilo. **1:2** Mal 3:1 **1:3** Aij 40:3 † **1:4** Jon chukrimooku lo aawkto baptisma jito okv japkarto; Megonv kitap lo Jon Baptist chukrimooku lo aalwkto okv japkarto

lokv lintokuka okv baptisma naalakuka,” Nw mintoku nyi vdwa, “Okv Pwknvyarnv nonugv rimur a mvngnga jiriku.” ⁵ Judia mooku lokv okv Jerusalem pamtv lokv nyi achialvgo Jon gv minam a tvvbv linlaku bunu atubogv rimur a mintam jilaku Jon gvlo Jordan svko lo baptisma jiku toku.

⁶ Jon Kemel‡ gv amw lokv chumnam vji a kooto okv ninyigv kipo lo apin hook go hokto okv ninyigv dvnam v takamyarup okv mootum gv tangu-ngula. ⁷ Nw nyi vdwa minpa jito, “Ngoogv kochinglo ngam kaiyanvgo aare ngo ninyigv lv-sup a choobap la taasok yadubvka alvka yama. ⁸ Ngo nonua isi lokv mwng baptisma jidu, vb-vritola nw nonua Darwknv Dow lokv baptisma jireku.”

Jisu baptisma naanam okv pokayarkanam
(Mt 3:13-4:11; Lk 3:21-22; 4:1-13)

⁹ Ayungjvma nga Jisu Galili mookugv Najaret lokv aalaku, Jordan svko lo Jon gvlokv baptisma jiku toku. ¹⁰ Jisu isi lokv daklin sopikda, nw kaapato nyidomooku v kokok dubv okv Dow v taakw jvbv nw gvlo holwk dubv kaato. ¹¹ Okv ho nyidomooku lokv gaamgo gokto “No ngoogv pakyachoknam kuunyilo akin v, nam lvkobv ngo mvngpu dukunv.”

¹² Vjakgovv Darwknv Dow hv ninyia chukrimooku lo vngdubv mvto, ¹³ hoka nw alu champigo dookunamv, mootum lo Uyu ngv ninyia pookayarka toku. Hoka svnwngsvmin vka dooto,

1:6 2Dv 1:8 ‡ **1:6** Kemel si chukrimooku lo rin v kainv svnwng
1:11 Atk 22:2; Miri 2:7; Aij 42:1; Mt 3:17; 12:18; Mk 9:7; Lk 3:22

vbvrikunamv nyidogindung vdwv aatoku okv ninyia ridur toku.

Jisu ngui naanv nyi api go goklin toku
(Mt 4:12-24; Lk 4:14-15; 5:1-11)

¹⁴ Jonnyi patwk tumlwkro kochinglo, Jisu Galili mookulo vngla okv Pwknvyarnv lokv Alvnv Yunying nga japkar toku. ¹⁵ “Alvnv alu v aadukukv,” nw minto, “Okv Pwknvyarnv gv Karv ngv nvchi dukukv rimur lokv lintokuka okv Alvnv Yunying nga mvngjwng tvka!”

¹⁶ Jisu Galili gv svparsvlv lvgumlo vngkar rikulo, ngui naanv nyi anyigo nw kaapato, Saimon okv ninyigv boru Andriu, vsap lokv ngui naadungto. ¹⁷ Jisu bunua mintoku, “Ngam lvkobv aato, okv ngo nonua nyi naadubv tamsarre.” ¹⁸ Vjagobv bunu vsap a topu pikula okv ninyia lvkobv vngtoku.

¹⁹ Nw achukgo vnglindvda hoka boru anyi godv kaapa toku, Jebedi gv kuunyilo Jems okv Jon bunyia. Bunu bunugv svpw arwnglo vsap a mvdinla dootoku. ²⁰ Jisu bunua kaapa namgola nw bunua gokto; ho bunu bunugv abu Jebedi okv riria jinv bunua svpw lo doomupila okv Jisunyi lvkobv vngtoku.

Nyi akolo alvmanv dow go dootoku
(Lk 4:31-37)

²¹ Jisu okv ninyigv lvbwlaksu vdwv Kaparnaum banggu lo aatoku, okv akonvgv Jius Doonualu lo Jisu Jius kumkunaam lo vngtoku okv tamsar rpto. ²² Nyi vdwv ninyigv tamsar nama tvvla

lamrwpanyato, oglvgavbolo nw pvbv tamsarn-
vbv mimabv tojupkunam jvbv tamsar yato.

²³ Vjakobv bunugv Jius kumkunaamlo ho alv-
manv dow v nyi ako gvlo aakunamv nw gamtv
rungbv segokto, ²⁴ “Najaret gv Jisu No ngonu gvlo
ogugo naadubv? No ngonua soka mvyakmvchak
dvbvri? Ngo chindu no yvvdw—No Pwknvyarnv
gv darwkvn gindungpingko ngv!”

²⁵ Jisu gamki la dow a minto “Mimabvk, no
nyi lokv liro tokuk!” ²⁶ alvmanv dow v ho nyi
ham achirungbv hwkdin moto okv gamtv rungbv
segok moto, okv nyi lokv lintoku. ²⁷ Nyi mvn-
wngngv achialvbv lamrwpanya lakula akin-akin
v mirwk minsu raptoku, “Si ogu goda? Si re jvjbv
ogugonyi anw bv tamsarnamv? So nyi angv si
tojupkunam go nw alvmanv dow vdwaka kaanam
namla do okv bunuka ninyia tvvjidu!”

²⁸ Okv vkvlgabv Jisu gv lvkwng yunying ngv
Galili gv mooku mvnwnglo baapu bv dupwng
toku.

Jisu nyi achialvgo mvpu toku
(Mt 8:14-17; Lk 4:38-41)

²⁹ Jisu okv ninyigv lwbwlaksu vdww Jems okv
Jon bunyia mintala, Jius kumkunaam ha kayupila
okv vngdavngrala Saimon okv Andriu gv naamlo
vnglwktu. ³⁰ Saimon gv ayu gadw lo ramla
lvvmala dooto, Jisu aachi sopikda, bunu ninyia
hvkvgv lvgabv minjito. ³¹ Jisu ninyigvlo aato, laak
lokv gakbwngto, okv ninyia ridurla dakrap dubv
svyinto. Ramnam hv nw lokv ngetoku, okv nw
bunua jiraphorap toku.

³² Doonyi v poklw kro kochingbv ariumrikulo hoka nyi vdww lvvmanv mvnwngnga okv vram naanam nyi vdwa Jisu gvlo aagvjito. ³³ Banggu hokv nyi mvnwngngv aakumla naam agi lo dakpamto. ³⁴ Jisu awgo nvgwngnv lvvma nvnga mvpujito okv awgo uyuvram haka chara jito. Nw uyuvram vdwa gaam milin momato, ogulvgavbolo bunu chinsuto nw yvvdw.

Jisu Galili lo jalgo kartoku
(Lk 4:42-44)

³⁵ Aru gonvgv arukamchi bv puaharing madvbv kanv dvdubv, Jisu gudungla okv naam lokv vngtoku. Nw banggu ha vngboto jimiku mooku golo, hoka nw kumto. ³⁶ Vbvritola Saimon la ninyigv ajin vdww vnglinto Jisunyi makarbv, ³⁷ okv vdwwlo bunu nw a kaapa tokudw bunu minto, “Mvnwng hv nam kaakardu.”

³⁸ Vbvrinamv Jisu mirwksito, “Ngonu vngrung laju kvvbi dokardovr nampum vdww soka. Ngo bunugv lvgabv japtam jidubv, ogulvgavbolo ngo hvkv lvgabv aapvnnv.”

³⁹ Vkvlgabv nw Galili mookulo mvnwngnga vnggola okv ho vdwwv Jius vdwwv kumkunaamlo mingojito okv uyuvram vdwa charkak jito.

Jisu nyi ako mvpu toku
(Mt 8:1-4; Lk 5:12-16)

⁴⁰ Apin hv yaarikla arwnam lvvmanv nyi go Jisu gvlo aato, lwbwng ngv kumpvto, okv mvdur lvgabv ninyia dinchi rungbv koto. “No mvnggilo,” nw minto, “No nga darwk\$ dubv mvlare.”

1:39 Mt 4:23; 9:35 § **1:40** darwk dubv mvto So lvvma si nyi a darwk madubv mvnngo.

⁴¹ Jisu aya* mvngpato, okv ninyigv laak v ilindola nyi ham mambwngto. “Ngo mvnggidu,” nw mirwk toku. “Darwk tokuka!” ⁴² Vjakgobv nyi agv lvvma ngv ngetoku, okv nw darwk toku. ⁴³ Vbvrinamv Jisu ninyia kadwk rungbv minto okv ninyia vjakgobv vngmu toku ⁴⁴ ninyia “Tvvtoke, so gv rinam sum yvynyika mintam mabvka,” vla mingv rikula. “Vbvritola nyibu gvlo vngdavngra laka okv ninyia no jwngkadaka kolaka; hvbv rigvrila nyichar mvnwngnga no poorung pvku vla chimu laka, Moses gv ortojinam lokv erinpeelwk a rinto laka.”

⁴⁵ Vbvritola nyi angv vngtoku okv minrap toku Yunying nga mooku mvnwnglo dupwng motoku. Nw vbv achialvbv minkunamv Jisu ka banggu lo nyi ha kaapa kodubv vngnyu kumato. Vmabvya, nw agumlo jemataiku mookulo dootoku, okv mooku mvnwng gv nyi vdww nw gvlo aakumto.

2

Jisu digwngnv nyi ako mvpu toku (Mt 9:1-8; Lk 5:17-26)

¹ Alu lonyi loom gv kochinglo Jisu kaparnaum lo vngkur toku, okv ho nw naam lo doopvkv vla yunying ngv dusik toku. ² Vkvlgabv hoka nyi vdww achialvbv aakum kunamv aronv karchung goke dooku mato, okv agi gv agum loka dooku kaamoto. Jisu bunua doin japjito. ³ Vdwlo nyi api v aalwk tokudw, digwngnv nyi go Jisu gvlo joolwk toku. ⁴ Nyi twngtv kunam lvgabv, ogubvrijeka, bunu nyi um ninyi gvlo aagv nyumato.

* **1:41** aya Megonv kitap lo dooduhaachi **1:44** Leb 14:1-32

Vkvlvgabv Jisu ogolo doopvdw ho tintwbv bunu namwng aolo ungko go mvko toku. Vdwlo bunu mvko tokudw bunu nyi a ninyigv joko lo karmu tvla soolu jitoku. ⁵ Bunugv achialvbv mvngjwng kunam a kaagv rikula, Jisu digwngnv nyi anga minto, “Ngoogv kuunyilo, noogv rimur vdwa mvngnga jipvkun.”

⁶ Pvbv tamsarnv megonv ho vdwv doodum tvla bunu mvngsu nyato, ⁷ “Ogubv so nyi si svbv gaam minladunv? Si Pwknvyarnvnyi nyarjitari namgo! Pwknvyarnv akin mwng yvvdw rimur ham mvngnga ladunv!”

⁸ Vjakpi govv Jisu chintoku ho vdwgv ogugo mvngnam am, vkvlvgabv nw bunua minto, “Ogubv nonu vbv mvngdunv? ⁹ Vbvri minpubv minla, so digwngnv nyi sum, ‘No gv rimur vdwa mvngnga pvkunv,’ vmalo mindubai, ‘Gudunglak, naaraplak noogv karpunvnnv nga, okv vngkarto?’ ¹⁰ Vbvrijvka Nyia Kuunyilo ngv nyiamooku so rimur ham anyubv kayu jidubv tojupkunamv doodu hum ngo kaatam dubv rinam go.” Vkvlgabv nw digwngnv nyi a minto. ¹¹ “Ngo nam mindu, dakrap tvkuka, naaraplak noogv karpunvnnv nga, okv naam lo vngnyikuka!”

¹² Vbvririlo ho mvnwngngv kaadumto, nyi angv dakrap laku, ninyigv karpunvnnv nga naarap toku, okv baapubv vngtoku. Bunu mvnwngngv lamngaknyato okv Pwknvyarnvnyi hartvla, minto, “Ngonu vdwloka svkvnvgo ogugoka kaakw mapvnnv!”

Jisu Lebinyi goktoku
(Mt 9:9-13; Lk 5:27-32)

13 Jisu Galili svparsvlu adarlo lvkodv aakur toku. Nyitwng go nw gvlo aakumto, okv nw bunua tamsar raptu. 14 Nw vbv vngrilo, nw kaapato lampu naakumyanv, Lebi Alpius gv kuunyilo, ninyigv opislo dooto. Jisu ninyia minto, “Nga vngming gvto.” Lebi gudungto okv nw a vngming gvtoku.

15 Kochinglo Jisu Lebi gv naamlo* dvnam dvla dooto. Twngtv rungntv lampu naakumyanv okv toa kunam nyi vdwwka Jisunyi vngming gvto, okv ninyi gvlo megonv aapwngto okv ninyigv lwbwlaksu vdww tvbul adarlo dooto. 16 Pvbv tamsarnv nyi mego, Parisi nyi vdww, Jisunyi lampu naakumyanv vdwa okv toa kunam nyi vdwa lvkobv dvdubv kaapato, vkvlgabv bunu ninyigv lwbwlaksu vdwa tvuto, “Ogubv nw vkvntv nyi vdwa lvkobv dvdunv?”

17 Jisu bunuam tvvpato okv mirwktu, “Nyi ngv yvvbunudw chvrv nvngv Daktor a dinchima, vbvritola yvvbunudw lvvmanvngv mwng. Ngo mvngdntv nyi vdwa gokbv aamato, vbvritola rimurnv vdwa.”

Yiknam lkwng nga tvunam
(Mt 9:14-17; Lk 5:33-39)

18 Doopam gulo Jon gv rigvnam vdww la okv Parisi vdww bunu yikla doonyato. Nyi megonv Jisu gvlo aato okv ninyia tvuto, “Si ogu vdww Jon gv lwbwlaksu vdww la okv Pharisisi gv lwbwlaksu vdww yikla doogvre, vbvritola no gvngv dooma dunv?”

* 2:15 Lebi gv naam lo; Vmalo ninyigv (Hv Jisu gv) naam.

¹⁹ Jisu mirwkto, “Nonuno nyidaloo doonv vdwa dvmatvngma bv vngmu dukubv dvmin dunvre? Hvbv rirung mare! Makbu v doodv dvbv bunuam, bunu hvbv rimare. ²⁰ Vbvritola alu go aariku makbu a bunugv loka vnggv roriku, okv vbvrikubolo bunu ho yigrap reku.

²¹ “Yvvka vji jenw ariap ham vji jikulo hamtak lwknv kaama; Vbvrikubolo ninyigv jenw hamlwknv namv takche rikunyi takgv riku okv ungv kootv yayare. ²² Yvvka anggor ala anw ham pumchup akulo pwlwknv kaamare; vbvribolo anggor ala anw ngv pumchup aku lo hupokre, okv anggor ala ngvla pumchup v alv mariku. Vmabvya anggor ala anw a pumchup anw lo pwlwknv yadunv.”

Jius doonualu lkwngbv tvunam
(Mt 12:1-8; Lk 6:1-5)

²³ Jius Doonualu golo Jisu radv rongo apum gulo vngpitla vngto. Nw gv lwbwlaksu vdwa lvkobv vngming gvto, bunu radv damw dooku ham gakbwngla pikrap nyatoku. ²⁴ Vkvlgabv Parisi vdww Jisunyi minto, “Kaato laka, noogv lwbwlaksu vdww jius Doonualu lo vbvrinam si ngonugv Pvbv nga rinyingdu!”

²⁵ Jisu mirwkto, “Nonu Dabid vdwwlo dvnwng go dvnwng rilo ogugo ribvdw um nonuno lvkoka puri rikw mai? Nw la okv ninyigv nyi vdww kano toku, ²⁶ hoka nw vngtoku Pwknvyarnv gv naamlo okv dvtoku Pwknvyarnv gvlo kumlwknw vtwng nga. Svbvrito vdwwlo Abiatar nyibu butvyachok bv ririlo. Ngonugv Pvbv ara lokv nyibu vmwng

vtwng nga dvnyu nvngv—vbvritola Dabid um dv-toku okv ninyigv nyi vdwaka jita toku.”

²⁷ Okv Jisu minya toku, “Nyi si Doonualu lv-gabv mvvma; Doonualuv nyi gv alvnam lvgabv mvpvny; ²⁸ Vkvlgabv Nyia Kuunyilo ngv Doonu-
alu gvka Ahtu hv.”

3

Nyi ako laak gonv lakpik nvgo

(Mt 12:9-14; Lk 6:6-11)

¹ Vbvritola Jisu lvkodv Jius kumkunaamlo aato kuring, ho hoka nyi go dooto hv laak v lakpik nvgo. ² Hoka Jisunyi rimur nvgobv vla minjinv nyi mego toyala dooto; Vbv bunu Jisunyi nyi anga Jius Doonualu lo mvpu ridw vla kaagapla doya-to. ³ Jisu nyi anga minto, “Aatoka kaagia so.” ⁴ Vbvritola nw tvuto nyi vdwa, “Ogugo ngonugv Pbv ngv rimudunv Jius Doonualulo? Ridur dubvri vmalo ridur madubvri? Nyi gv singdung nga ringdubvri vmalo ngoomu dubvri?”

Vbvritola bunu oguka minkuma. ⁵ Jisu haachila bunuam kaitto, vbvritola vjagobv nw bunua aya mvngpa toku, ogulvgavbolo bunuv achialvbv vl-wnghapok bv gvvnyadu okv rimur nyadu. Vb-vrikunamv nw minto nyi anga, “Noogv laak v laklinto.” Nw laklinjito, okv hv lvkodv alvtoku. ⁶ Vkvlgabv Parisi vdww Jius kumkunaam lokv lintoku okv Herod gv nyi vkv lkvobv kaarwksuto, okv bunu Jisunyi mvkidubv rungrap toku.

Svpar lo nyitwng go

⁷ Jisu okv ninyigv lwbwlaksu vdww Galili gv svparsvlv lo vngtoku, okv kairungnv nyitwng go

ninyia vngming gvto. Ho vdwv Galili lokv aatoku, Judia lokv, ⁸ Jerusalem lokv, Idumia mooku lokv, Jordan svko chaagu takdv lokv, okv mooku dokarku Taire okv Sidon Pamtv lokv. So nyi mvnwngngv Jisu gvlo aato ogulvgavbolo bunuv ninyigv rinam a tvvpatu. ⁹ Nyitwng v achialvbw twngtvto ho Jisu minto ninyigv lwbwlaksu vdwa svpw ako ninyigv lvgabv naapv jidubv, vkvlgabv ho nyi vdwv ninyia chapma dubv. ¹⁰ Nyi achialvgo nw mvpu kunamv, okv lvmmanv mvnwngngv nw gvlo aala mvsit dubv vla nvngpin nvngyin minsula aanyato. ¹¹ Okv vdwlo alvmanv dow gvnv nyi vdwv ninyia kaapa tokudw, bunu ninyigv kaagialo guplwkla okv goklinto, “No rung Pwknvyarnv gv Kuunyilo ngv!”

¹² Jisu alvmanv dow vdwa nw yvvdw um yvnyika minpa mabkv vla kadwk rungbv mintoku.

*Jisu vring gola anyia Apostol gubv darlin toku
(Mt 10:1-4; Lk 6:12-16)*

¹³ Vbvrikunamv Jisu yvnyii vnggvnvpv mvngpvdw goklaila moodw putung golo chaato. Bunu hoka nw gvlo aato, ¹⁴ Okv nw darlinto vring gola anyigo, yvnyii nw Apostol vla amin minpvdw. “Ngo nonua darlin pvnv nga lvkobv ridubv,” Nw bunua minto. “Ngo ka nonua agumlo japdubv vngmure, ¹⁵ okv nonu gvlo uyuvram vdwa charkak nvnv jwkrw v doore.”

¹⁶ So vring gola anyi si ninyigv darlinnam: Saimon (Jisu Pitar vla ninyia amin minto); ¹⁷ Jebedi gv kuunyilo Jems okv ninyigv boru

Jon (Bunuam Jisu Boanarjes vla amin minto, vnam si “Doogumbv rinv nyi v”); ¹⁸ Andriu, Pilip, Bartolomiu, Metiu, Tomas, Alpius gv kuunyoilo Jems, Tadius, Saimon Ringrianv ¹⁹ Okv Judas Iskeriot, yvvdw Jisunyi koanv.

Jisu okv Biljebul

(Mt 12:22-32; Lk 11:14-23; 12:10)

²⁰ Vbvrikunamv Jisu naam vngtoku. Lvkodv nyi twngtv rungnvgo aakumto ho Jisu okv ninyigv lvbwlaksu vdwv dwdw doomato. ²¹ Vdwlo ninyigv lvga nga vpin v hum tvvpapvdw, bunu ninyia naatung dubv rito, ogulvgavbolo nyi vdwv minto, “Nw suru duku!”

²² Pvbv tamsarnv mego Jerusalem lokv aala minto, nw gv arwnglo Biljebul doopv! So si uyuvram vdwgv dvbv ngv yvvdw nw a gwlwk jigvrila bunuam agumlo chara dubv jwkrw jipv nvgo.

²³ Vkvlgabv Jisu bunuam nw gvlo goklwkto okv bunuam minchisinam go minto: “Oguaingbv Uyu ngv atubonga chara nyudubv? ²⁴ Mooku gonv yakpin sisula v pami sikubolo hv yagiak reku. ²⁵ Vpin gonv yakpin sisula vpin akonyi pami sikubolo, v vpin v yagiak reku. ²⁶ Vkvlgabv uyu gv karv ngv apumbv yakpin sikubolo, v vdwloka hvngdwnng mare, vbvrikubolo yagiak reku okv ala ngeriku.”

²⁷ “Gwlwknv nyi a leepv choma bolo yvka hvkvgv naam a mvkola aala oguogua naanyu mare; leepv chobo lomwng naam loka naala vnggv nyure.”

²⁸ “Ngo nonua jvjvbw mindu, nyi vdwgv rimur mimur rinam mvnwng okv Pwknvyarnv nyika ogu minyingminchu milin* nama mvngnga nyudunv; ²⁹ Vbvritola yvnyiv Darwknv Dow a minyingminchu nvnga vdwloka mvngnga nyumare, oglvgavbolo nw doobwngnv rimur a ripv.” ³⁰ (Jisu gv sum minam si ogulvgavbolo nyi twnggonv, “Nw gvlo darwkmanv dow v doodu” vnam lvgabv.)

Jisu gv anv okv boru vdwv
(Mt 12:46-50; Lk 8:19-21)

³¹ Vbvrinamv Jisu gv, anv la okv boru vdwv vngchito. Bunu naam gv agumlo dakto okv ninyia tvvkarla gaam gamgo milwkto. ³² Hoka nyitwng go Jisunyi dookarto, okv bunu ninyia minto, “kaalak, noogv anv okv noogv boru vdwv okv noogv bormv vdwv agum v bunu nam dinchipv.”

³³ Jisu mirwk suto, “Yvv bunula ngoogv anv ngv? Yvv bunula ngoogv boruv?” ³⁴ Ninyia dokarnv nyi mvnwngnga nw kaitkarto okv minto, “Kaato! Si bunu ngoogv anv okv boru vdwv! ³⁵ Yvnbunudw Pwknvyarnv gv mvnglwkbv ridunv hv bunu ngoogv anv, ngoogv bormv, boruv.”

4

Amw chinv lo minchisinam
(Mt 13:1-9; Lk 8:4-8)

¹ Lvkodv Jisu Galili Svparsvlv adarlo tamsar rapto. Nw a ho dokarnv nyitwng v achialvbv

* **3:28** bunugv alvmanv bv minam; Vmalo bunugv Pwknvyarnvnyi minyingminsu minam. **3:29** Lk 12:10 **4:1** Lk 5:1-3

twngtvto vkvlgabv nw svpw arwnglo chaala dooto. Svpw v arwng kiambv vnglinto, okv nyitwng v dakto isi sidar biyagilo. ² Nw bunua awgo tamsar dvla minchisinam vkv minvla minjito:

³ “Tvvto! Kvvlo nyi ako dooto nw radv chibv vnglinto. ⁴ Vdwlo nw amw vdwa rongolo chiak rpto kudw, kvgonv lamtvlo olinpvto, okv pvta vdww aala okv hum dvtoku. ⁵ Kvgonv lvngtak lo holula hopvto, hoka kvdw achakgo dooto. Amw v ainbv boklin toku ogulvgavbolo kvdw v rungrwng mato. ⁶ Agar miami v rungrwngbv harlwku kaama laila vbvrinamv, vdwo doonyi v chaalin tokudw agar a kaayok toku; okv ogulvgavbolo miami v rungrwngbv kvdwlo aamato, agar v baapubv sintoku. ⁷ Kvgonv tvv apumlo holwtko, v singtoku okv agar a yuptoku, okv bunu oguka dape peelin mato. ⁸ Kvgonv hooluto kvdw alvyaung kolo, okv agar v baapubv garlinto, singto, okv dape peelin toku: kvgonv dasum chaam go kvgonv chamkv, okv kvgonv lwngbv.”

⁹ Okv Jisu minya toku, “Vbvrinamv, nonuno nyarung doodu nvlo, tvvtoka!”

Minchisinam gv lkwng ngv

(Mt 13:10-17; Lk 8:9-10)

¹⁰ Vdwlo Jisu akin tokudw ninyigv minam a tvvny nyi kvgonv bunu lwbwlaksu vring gola anyi gv lvkobv aala ninyia minchisinama minbwk jilabvkv vtoku. ¹¹ Jisu mirwksito, “Pwknvyarnv gv rungrwng rungnv Karv gv lkwng nga nonua jiroku. Vbvrিতola kvvbinyi vdww, ogumvwnwng nga minchisinam lokv tvvdunv, ¹² vkvlgavbolo,

‘Bunu kaadv-kaadv la kaare,
 vbvrijvka kaapa mare;
 okv tvvdv-tvvdv la tvvre,
 vbvrijvka tvvchin mare.

Vkvlvgavbolo bunu chinv guilo bunu Pwknvyarn-
 vnyi dakrwk dukunvpv,
 okv nw bunua mvngnga jidu kunvpv.’ ”

Jisu amw chinv minchisinama minbwk jito
(Mt 13:18-23; Lk 8:11-15)

¹³ Vbvrinamv Jisu bunuam tvvkato, “Nonu minchisinam sum chimadunvri? Vbvrikubolo nonu oquaingbv kvvbi minchisinam go chin-dubv? ¹⁴ Amw paknv Pwknvyarnv gv doin a pakje jito. ¹⁵ Kvgonv nyi v ho lamtvlo amw hosoknam jvbv; bunuv baapubv doin a tvvda-sopitda, Uyu ngv aareku okv hung naala vng-gvreku. ¹⁶ Kvgonv nyi v amw v lvngtak aolo hopvnam jvbv. Bunuv baapubv doin tvvdaso-pitda bunu himpula hum tvvrwksito. ¹⁷ Vbvritola bunulo rungrwngbv aalwk manam lvgalo, okv bunu vdwloka hvngdwng mare vkvlvgabv vdwlo adwkaku v vmalø mvdwkmvku v aarikudw doin lvga lokv, bunu vjagobv kayudariku. ¹⁸ Kvgunv nyi v tvv hvdwnglo amw holwk nam jvbv rido. So vdw sinv yvv doin ham tvvdunv, ¹⁹ vbvritola mvn-grudu so singse lvgabv, nyitv lvgabv pakyado, okv nvgwng a mvngbiula nyitwng arwnglo okv doin a ngemu duku, okv bunu asi svlin kumanv. ²⁰ Vbvritola kvgonv nyi v alvnnv kvdw lo amw paknam jvbv rito. Bunu doin a tvvgapto, hung tvvrwksito, okv asi svlinto: kvgonv chaam bv, kvgonv chamkvbv, okv kvgonv lwngbv.”

*Mvdurupum ako bati kyampwk lo
(Lk 8:16-18)*

²¹ Jisu minbwngto, “Nyi akonv mvdurupum ako naalwkla okv hum bati kyampwk takmamla vmalo gadw gv kyampwk lo vvpv dvnvri? Hum tunggingnvnv gv aolo nw vvpv madunvri? ²² Ogugo vsvi pvdw hum agumlo bvnglinla mvko riku, okv ogugo takmam pvkudw v takmam kumare. ²³ Vbvrinamv, tvvto nonuno nyarung doodu nvlo!”

²⁴ Nw bunua lvkodv mindvto, “Alvbv tvvgapto ogugo no tvvpvdw! Ogu kiinvnv lokv no nyi ham jwngkadaka dvdw vbv kiinvnv lokv Pwknvyarnv ka nam jwngkadaka—vbvritola humka kaiyanvgo rire. ²⁵ Nyi v yvvdw ogugo doodudw hum kaiyago jire okv nyi v yvv ogugoka domapvdw vkvvgvlo achukgo doonam haka naarit reku.”

Amw garnvlo minchisinam

²⁶ Jisu minbwngto, “Pwknvyarnv gv karv ngv svbv rido. Nyi akonv ninyigv rongolo amw pakl-wkkto. ²⁷ Nw ayulo yuptoku, alu dukubv v gudung toku, okv vbvririlo amw mvnwngngv boksula okv garrap toku. Vjvka um nw oguaingbv ridu nvdw um chinkuma. ²⁸ Kvdw v atubongv singnv a singmusido okv asi a svlin mosudo. Atuk-chochukbv radvdada ngv, okv danv ngv, okv ataranyabv dape mvnwng a kaapado. ²⁹ Vd-wlo radv ngv kamkubolo, nyi v parap toku hum ninyigv rioktung lokv, ogulvgavbolo rongo mvdw dw v aatoku.

4:21 Mt 5:15; Lk 11:33 **4:22** Mt 10:26; Lk 12:2 **4:24** Mt 7:2;
Lk 6:38 **4:25** Mt 13:12; 25:9; Lk 19:26 **4:29** Jol 3:13

Yingmw lo minchisinam
(Mt 13:31-32,34; Lk 13:18-19)

³⁰ “Pwknvyarnv gv Karv ngv svbv rido vla ngonu oguaingbv minsedw?” Jisu tvuto. “Ngonu hum ogugonyi minchisinvla minbwk jidubv?

³¹ So si svbv ridu. Nyi akonv yingmw go naato, nyiamooku gv amw charching yachoknv, okv um kvdwlo lvvlwk toku. ³² Ayungjvma nga v singcha toku okv singnv mvnwnngnga kaiyachok nvgobv ritoku. Hv hakbv ngv vbv kairungbv harlin toku ho pvta ngv aala bunugv asup vdwa ho gv doonyum lo suplwk toku.”

³³ Jisu ninyigv doina nyi vdwlo japjito, mintakn-vto awgo kvvbi minchisinam sibe minvla; nw mintamto bunua vkamgo bunu tvvchin nyo-dudw. ³⁴ Nw ogugoka mimato bunua minchisi-nam mintak mabv, vbvritola vdwlo nw akinpvdw lvbwlaksu vdwa lvkobv, nw ogumvnwnng nga bunua minbwk jitoku.

Jisu dooridoogum a mvtor toku
(Mt 8:23-27; Lk 8:22-25)

³⁵ Ho alu akin gv arium hoka, Jisu ninyigv lvb-wlaksu vdwa minto, “Klai svparslv takdv gonv durap linlaju.” ³⁶ Vkvlgabv bunu nyitwng nga vngyu toku; lvbwlaksu vdvw Jisu gv doolwkku svpw lo aalwk mingvto, okv bunu ninyia bunugv lvkobv vnggv toku. Kvvbi svpw vdvwka hoka dooto. ³⁷ Dvminmabv kairungbv doori v rirapto, okv sikiok v svpw arwnglo kioklwtko, vkvlgabv isi v hoka yarbing tvvtoku. ³⁸ Jisunyi svpw ar-wng gv koching kiambv dooto, nw domtom golo dumpo ngv dumpv tola yupminto. Lvbwlaksu

vdwv ninyia muuto okv minto, “Tamsarnv, no ngonua mvngpa kumare ngonu sida jiku nvlaka?”

³⁹ Jisu dakrpto okv dooria mintoku, “Choibv dooto!” Okv nw minto sikiok aka, “Doochingbv dooto!” Doori v ringin toku, hoka kairungbv jematai toku. ⁴⁰ Vbvrikunamv Jisu ninyigv lwbwlaksu vdwa minto, “Ogubv nonu busu nyadunv? Vjaklodvbv nonu nga mvngjwng malare?”

⁴¹ Vbvritola bunu achialvbv busuto okv akonv akonyi mimisito, “Yvvla so nyi si? Doori vla sikiok hvka ninyia tvvdu!”

5

Alvmanv dow vdwgv naanam nyi go Jisu mvpu toku

(Mt 8:28-34; Lk 8:26-39)

¹ Jisu okv ninyigv lwbwlaksu vdwv vngchi toku Gerasa mookugv Galili svparslv takdvlo, ² Vdwlo Jisu svpw lokv korlin sopikda nw kaapato nyigo hv nyibung bungpam hoka lvngpwk lokv linvgo. So nyi si alvmanv dow gvnvgo. ³ Okv nyibung bungpam lo doonvgo yvka ninyia rwngja ngv vdwloka leepv nyumato; ⁴ Vdwnvgo ninyigv lvpa okv laak a leepv kwtoku, vbvritola leeri gv dwk-ibv nw rvngja nga dokpwkla mvmwkmvmakto ninyigv lvpa gv riokdar haka. Nw achialvbv gwlvkronvgo yvka ninyia naatung nyumato. ⁵ Alu okv ayubv nw nyibung bungpam lo vngkarto okv moodw lokv, segok karto okv vlvng ngv atua tupsuto.

⁶ Nw mego aduto vdwlo Jisunyi kaapa tokudw; vkvlgabv nw joklwk toku, ninyigv kaagialo lwbwng ngv kumpvla, ⁷ Okv gamtvrongbv segokto,

“Jisu, Kaiyachoknv Pwknvyarnv gv kuunyilo! No ngoogvlo ogugo mvngdu? Pwknvyarnv gv amin bv, nam ngo koodunv, nga mvrit mabvka!” (⁸ Nw svbv minto ogulvgavbolo Jisu mintoku, “Alvmanv dow, so nyi sokv liro tokuka!”)

⁹ Vkvlgabv Jisu ninyia tvvkato, “No gv aminv ogu vla?” Nyi angv mirwkto, “Ngoogv aminv ‘(Mob)’ nyitwng—ho ngonu twngtv nvgo!” ¹⁰ Okv nw Jisunyi alvmanv dow vdwa ho mooku loka adu lo vngmu mabvka vla kodwkkwvla koola minto.

¹¹ Hoka kairungbv vrik riktwnv go moodw nvchi hoka dvla reto. ¹² Vkvlgabv dow v Jisunyi kooto, “Ngonua riktwnv alo vngmulabvka, okv ngonua bunu gvlo aalwk molabvka.” ¹³ Jisu bunua vngmuto, okv alvmanv dow v ho nyi lokv lintoku okv riktwnvgo aalwk toku. Riktwnv mvnwnvngv lvngving anyi dvsegobv vrik v rito-chapchar minsula svparsvlv kiambv taraklo holula okv svparsvlv arwngbv holwk toku.

¹⁴ Vrik ka kaayanv vdvw joklakula banggu lo okv rongolo minggo kartoku. Hv ogubv ripv nvdw vla nyi mvnwnvngv vnglinla kaatoku, ¹⁵ okv vd-wlo bunu Jisu gvlo aatokudw, bunu alvmanv dow atwng go gvvkinv nyi um kaapa toku. Nw hoka dooto, vjikotoku okv mvngnam rinam v alvtokula; okv bunu mvnwnv v busu nyatoku. ¹⁶ Alvmanv dow vdwgv lvkobv nyi angv um ogubv ripvndw okv vrik vdwgv lvkwng bvka kaanv vdvw nyi vdwa mintam nyatoku.

¹⁷ Vkvlgabv bunu Jisunyi bunugv mooku lokv vngro tokukv vtoku.

¹⁸ Jisu gv svpwlo aalwkrilo, nyi alvmanv dow vdwa gvvnv nyi angv ninyia kotoo, “Ngamka noogv lvkobv vngmulabvka!”

¹⁹ Vbvritola Jisu ninyia vngmumato. Vbvmabvdv, nw ninyia minto, “Ahtu noogv lvgabv vdwgo ripv kudw okv vdwgo aya pvkudw no noogv naam lo vnglakula nyi vdwa mintam jilakuka.”

²⁰ Vbvrinamv ho nyi v vnglaku Jisu gv ninyia ogugo ripvdw hum Banggu Vring nyi lo minggu-jitoku, hoka nyi mvnwngngv tvvtokula lamngak nyatoku.

Jairas gv kuunyijar okv Jisu gv vji a mvsitnv nyimv

(Mt 9:18-26; Lk 8:40-56)

²¹ Jisu vngkorla vngrap toku svparsvlv takdv gonvlo. Ho svparsvlv hoka kairungbv nyitwng go ninyia vngkumla dooyumto. ²² Jairus, Jius kumkunaam gv nyigam gobv rinu aalwko, okv vdwo nw Jisunyi kaapa pvdw, nw atubongv Jisu gv lvpa lvkwnglo gilwk toku ²³ Okv dinchi rung bv ninyia kotoo, “Ngoogv kuunyijar angv achialvbv lvvmapv. Ayala aagvrila noogv laak v ninyia mampo jilabv, vbvribolo nw poyariku okv tur-reku!”

²⁴ Vbvrinamv Jisu ninyia lvkobv vngrap mingv toku. Twngtv rung nv nyi go Jisunyi lvkobv vngming gvto hoka vngku dvdvlo ninyia nyitwng ngv kaiyaya bv vngyumto.

²⁵ Hoka mvvga ako nyingring gola nyingnyi achialvbv oyi sarla silvmanv go dooto, ²⁶ Doktor achialvgo ninyia vdwnv dw go mvkwrikw toku. Nw atugv morko mvnwngnga mva tvku, vbvritola

alvyaku svnga nw alvmabvya riayaya toku. ²⁷ Nw Jisu gv lvkwng a tvvpato, vkvlgabv nw ninyigv adar ayi nyitwng gv arwnglo aato, ²⁸ Atu v min-suto, “Ngo ninyigv vji a mvsit bolo, ngo poyariku.”

²⁹ Nw Jisu gv vji a mvsit toku, okv ninyigv oyi sarnam v ho vjakgobv nyedatoku; okv nw atu v arwnglo himpa sitoku nw adwkaku lokv poya kunam a. ³⁰ Vjakgobv Jisu ninyigv lokv mpunvngv go linyi bv vla himpa sito, hoka nw dakytikarla kaakarto nyitwng a okv tvuto, “Yvvla ngoogv vji a mvsit nvngv?”

³¹ Ninyigv lwbwlaksu vdwv mirwktu, “No kaatoka vkamgo nyi nyitwng ngv nam lvvbum nama; ogubv no tvvka doonv yvvla nam mvsit nvngv vla?”

³² Vbvrítola Jisu kai tacha karla kaakarto yvvb-vri rinvti vla. ³³ Mvnga angv dwdw toku ogugo ninyia ripvkudw, vkvlgabv nw busu v jinjin-rumrumla aato, Jisu gv lvpalo guplwktu, okv ogumvngv nga jvjvkvlv bv ninyia minpa toku. ³⁴ Jisu ninyia mintoku, “Ngoogv kuunyijar, noogv mvngjwng ngv nam mvpu pvku. Sarsopoyo bv vngnyi kulaka, okv noogv hindwkhingku lokv poya lakuka.”

³⁵ Jisu gv svbv minri hoka, Jairas gv naam lokv nyitampingko mego ho aalwkla okv Jairasnyi minpa toku, “Noogv kuunyijar v siro. Ogujego tamsar nvnyi mindwkminku dunv?”

³⁶ Bunu ogugo minpvdw Jisu tvvriamato,* vb-vritola ninyia minto, “Busu mabvka, mvngjwng mvnglaka.” ³⁷ Vbvrikunamv nw Pitar, Jems okv

* **5:36** tvvria matoku; Vmalotvvbotvlikto.

ninyigv boru Jon nyimwng ninyigv lvkobv vngmuto, yvvnyika vnggv mato. ³⁸ Bunu Jairas gv naamlo vngchi toku, hoka achialv bv kapku nama siinyimar rinam a okv ogu kaagartapa madubv rinam vdwa Jisu kaatoku. ³⁹ Nw arwnglo aala bunua minto, “Ogubv svbv kaagartapa madubv rinya dunv? Ogubv nonu kapdunv? Vmi si sima laka—nw yumwng dvlaka!”

⁴⁰ Bunu ninyia nyarji nyato, vkvlgabv nw bunu mvnwngnga agumlo nvnglintokula, vmi gv anvabua okv ninyigv lwbwlaksu aom a aagvla, vmi gv karku karchung arwngbv aatoku. ⁴¹ Nw vmi nyijar a laak lokv gakbwngto okv ninyia minto, “Talita koum,” So minamsi, “Vmi nyijar, ngo nam mindunv gudung tokuka!”

⁴² Nw vjagobv gudung toku okv vngcharvngyar raptoku. (Nw nyingring gola nyingnyi kunvgo.) Vbvri hoka, bunu mvnwngngv lamngaknyato. ⁴³ Vbvritola Jisu kadwk rungbv bunua minto yvvnyika minpa mabvka, okv nw minto, “Ninyia dvnam ogugo jigvrila dvmuto.”

6

Jisunyi Najaret lo toa toku (Mt 13:53-58; Lk 4:16-30)

¹ Jisu ho mooku a kayupila okv atugv banggu naamlo aakur toku, ninyigv lwbwlaksu vdwv vngming gvto. ² Jius Doonualu lo kumkunaamlo nw tamsar raptoku. Ho nyi v achialv bv dooto; okv vdwlo bunu ninyigv lokv tvvtokudw, bunu mvnwngngv lamtoku. “So mvnwng sum nw ogolokv paapv nvdw?” Bunu tvvkato. “Ninyia si ogunv

mvngkimvnglak go jipvkunvdw? Ogu ayimbv nw lamrwpanam vdwa rila kaatam dunvdw? ³ Nw yikungyira mvnv, Meri gv kuunyilo, okv Jems, Josep, Judas, okv Saimon gv abwng mangvri? Nw gv bormv vdvw soka dooma dunvri?” Okv vkvlv-gabv bunu ninyia toa toku.

⁴ Jisu bunua minto, “Nyijwk a mooku mvnwn-glo mvngdvdv, mvngdv makuv nw atugv dooku banggu lo okv amiasa lo okv ninyigv ugunyi mvngchiklo.”

⁵ Nw hoka lamrwpanam go rila kaatam nyu-mato, hoka nw lvvmanv nyi mego gv ao lo laak lakpvto okv bunua mvpu jimwng toku.

⁶ Nw kairungbv lamtoku, ogulvgavbolo nyi vdvw mvngjwng nyamato.

*Jisu lwbwlaksu vring gola anyia vnglin motoku
(Mt 10:5-15; Lk 9:1-6)*

Vbvrikunamv Jisu hoka nampung dvdvlo vng-gokarla nyi vdwa tamsar toku. ⁷ Nw lwbwlaksu vring gola anyia lvkobv goklwtko okv bunua anyi-anyibv vnglin motoku. Nw bunua alvmanv dow vdwa yaanvvnv jwkrw a jitoku ⁸ okv bunua minto, “Nonugv mooying vngkulo bangngi mvngchik a bvnglaka ogugoka gvyoka—vtwng guka gvyo, gi-agonv kochak a gvyo, noogv jvkap lo morko guka gvyoka. ⁹ Lvkiyam gvlaka, vbvritola kvvbi jekok lvvyago gvyoka.” ¹⁰ Nw mindvto, “Ogolo nonua albbv aamudvdw, ho naam lo nonu dooto laka, ho mooku lokv vnglinma dvdwbv. ¹¹ Nonu banggu lo aabolo hoka nyi vdvw nonua albbv aamu mabolo vmalo minam a tvvria mabolo, um kayulaka okv

lvpa gv amukayuk a pakak jilaka v bunua gamrw
rwkjinam gubv rire!”

¹² Vkvlgabv bunu vnglin nyatoku okv nyi vdwa
rimur lokv lirung tokukv vla japji toku. ¹³ Bunu
uyuvram achialvgo charkak toku, okv lvvmanv
nyi achialvgo olib tvli piaktoku okv bunua mvpu
toku.

Jon baptist gv sikunam
(Mt 14:1-12; Lk 9:7-9)

¹⁴ So mvnwng gv lvkwng nga vjak Herod Dvbv*
tvvpa toku, ogulvgavbolo Jisu gv singnamrinam
mv mvnwnglo dupwng toku. Nyi kvgonv minto,
“Jon Baptist gvlo turnam v aakurpvku! Vkvlgabv
nw so jwkrw lokv lamrwpanam kaatamdo.”

¹⁵ Kvgonv vbv minyato, “Nw Elija.”

Kvvbigonv minto “Nw nyikrwkaanv go, Kvlokv-
cho gv nyikrwkaanv vdwlokv akonv jvbv kaanam
go.”

¹⁶ Vdwlo Herod um tvvpapvdw, nw minto, “Nw
Jon Baptist bri! Ngo ninyigv dumpo nga paa-
pvkunv, vbvritola nw turkur pvkui!” ¹⁷ Herod
nw atu v mingap gvrila Jonnyi naatung moto, okv
nw ninyia jaako lvktola okv patwk arwnglo tumto.
Herod gv svbvrinam si Herodias gv lvkwnglo,
yvnyi nw nywngbv mvpvdw, ninyigv boru Pilip
gv nywngbv rijeka. ¹⁸ Jon Baptist minbwngto
Herodnyi, “Si no alvrina noogv boru gv nywng
nga atu nywngbv mvsunam si!”

¹⁹ Vkvlgabv Herodias Jonnyi maatarbv
tanyum gvto okv ninyia mvkidubv mvngto,

6:13 Jem 5:14 **6:14** Mt 16:14; Mk 8:28; Lk 9:19 * **6:14** Dvbv
Herod: Herod Antipas, Galili ham rigvdakgvnv **6:17** Lk 3:19,20

vbvritola Herod gv lvkwnglo nw milin nyumato.
²⁰ Herod Jonnyi busuto ogulvgavbolo nw chinto Jon alvnvgo okv darwknv nyi go vla, okv vkvlvgabv ninyia ogu mvmabv albbv doomuto. Nw dw mvnwnglo ninyi gvlokv tvvla kairungnv adwkaku nvgobv rijeka, ninyi gvlokv tvvnwng dvto.

²¹ Anyungnga Herodias alvnnv dw go paatoku. Hv vbbv rito Herodnyi kuubvngdw alulo, nw sorkari nyigam kainv mvnwngnga, sipai nyigam gamtvlvbwng vdwa okv Galili lo nyi rigvdakgvla kairungnv vdwa nvlum dvpam pamgvrilo.

²² Herodias gv† kuunyijar aato okv naasi rijito, okv Herod nyila ninyigv nyen vdwa mvngpu dubbv mvtoku. Vkvlgabv dvbbv ninyia minto, “No ogugo mvngdu? No ogugo koodudw nam ngo jirungre.” ²³ Hoka nw awgo milvnam go mintakla ninyia minto, “Ngo milvla mindunv no ogugo koopvdw ngo jirungre, minbinla ngoogv karv patung gunyi minjeka!”

²⁴ Vkvlgabv nyijar v vnglintoku okv ninyigv anv nga tvvkato, “Ngo ogugo koose ngvdw?”

“Jon Baptist gv dumpo ngakv,” Anv ngv mir-wkto.

²⁵ Nyijar angv dvbbv gvlo baapubv vngkur toku okv koorap toku, “Ngo nam vjak svka Jon Baptist gv dumpo nga taali gulo jilabvkv vla mvngdunv!”

²⁶ Si dvbbvnyi achialbbv mvngru motoku vbvritola nw maakv vlakumato ogulvgavbolo ninyia nw nyen vdwgv dookulo milv kunam lvkwngbv.

²⁷ Vkvlgabv nw dakyakaya nvnga Jon Baptist

† **6:22** Herodias gvkuunyijar Megonv kitap lo dooduninyigv kuunyijar Herodias.

gv dumpo nga baapubv bvnglwkw tvka vla orto jigvrila vngmu toku. Dakyakaya nvngv vngla, Patwklo aalwk laku, okv Jon gv dumpo nga palin toku; ²⁸ Vbvrikunamv nw taali gulo bvnglwkw toku okv um nyijar a jitoku, nyijar angv um atugv anv gvlo bvnglwkw jitoku. ²⁹ Vdwlo Jon gv lwbwlaksu vdww um tvvpa tokudw, bunu aatoku okv ninyigv svma ngam gvv laku okv um nyibung riitoku.

*Jisu hejar angu nyi vdwa dvnam dvmu toku
(Mt 14:13-21; Lk 9:10-17; Jn 6:1-14)*

³⁰ Apostol vdww aakum toku okv Jisunyi lvkobv kaarwksuto, okv bunu ogugo ripvkudw okv tamsar pvkudw ninyia minpa toku. ³¹ Hoka nyi v achialvgo aanv aadu okv vngnv vngdu mvkunamv Jisu la ninyigv lwbwlaksu vdww dvnam dv-dubvka dw kaaku mato. Vkvlvgabv nw bunua minto, “Klai mvnwngngv vnglaju ngonu mvngwngbv mooku golo hoka ngonu mvngchikre okv nonuno achakgo doonu ladubv.” ³² Vkvlvgabv bunu atuv jemataiku mooku lo vngdubv vla svpw gulo vngrap nyatoku.

³³ Bunugv vngnam a okv bunu yvvdw um nyi achialvgo kaapato okv chinyato, vkvlvgabv nyi vdww bunu bangga mvnwng lokv kvdw bv vngla Jisu gvla ninyigv lwbwlaksu vdww vnglwkw jikulo aachi choyato. ³⁴ Vdwlo Jisu svpw lokv lintokudw, nw so nyi nyitwng nga kaapa toku, okv nw gv haapok v bunua aya mvngpato, ogulvgavbolo bunu svlar a rigvnnv kaamanv aingbv rinyato. Vkvlvgabv nw bunua achialvgo tamsar

raptoku. ³⁵ Vdwlo achialvnnv dw gubv ritokudw, ninyigv lwbwlaksu vdwv ninyi gvlo aala minto, “Si jemataiku mooku go, okv so ngonu achialvgo dootokubv. ³⁶ Nyi vdwa vngmu tokuka, okv bunua vngmula nvchi gv rongo vdwlo okv nam-pum vdwlo bunu atu v dvnamm rrvla dvsu dubv,”

³⁷ “Nonu atu v bunua dvse go jitoka” Jisu mirwksito.

Bunu tvuto, “No ngonua vngla okv ain lokdwng‡ lvngnyi lokv vtwng rrvla bunua dvmu svgo mvngduri?”

³⁸ Vkvlgabv Jisu bunua tvuto, “Nonuno vtwng vkamgo doopv? Vngla kaateka.”

Vdwlo bunu paato kudw, bunu ninyia, “Vtwng tangu gula okv ngui nvvnyi guka paapv,” vla mintam toku.

³⁹ Jisu vbvrikunamv ninyigv lwbwlaksu vdwa minto nyi mvnwngnga nvmwng yajinv aolo apum-apum bv dopindoin motoka. ⁴⁰ Vkvlgabv nyi vdwv apum-apum bv doonyala pamkin lo nyi lvnggobv okv chamngu gubv doonyato.

⁴¹ Vbvrinamv Jisu vtwng tangu hala ngui nvvnyi a naatoku, nyidomooku bv kaadungto, okv Pwknvyarnvnyi umbonyikv vtoku. Nw vtwngnga pimwk toku okv nyi vdwa ortokv vla ninyigv lwbwlaksu vdwa jitoku. Nw ngui nvvnyi haka nyi mvnwngnga ortoku. ⁴² Nyi mvnwng v dvgudubv dvtoku. ⁴³ Vbvrikunamv lwbwlaksu vdwv vtwng okv ngui dvlv nga paapi vring gola anyigo naakum toku. ⁴⁴ Dvnnv dvdv ngv nyiga ngv hejar angu gobv ritoku.

‡ 6:37 raai okdwngRaaji lokdwng ngv nampum lo alu mnyilap gubv rito (kaato Mt 20:2)

Jisu isi aolo vngkar toku
(Mt 14:22-33; Jn 6:15-21)

⁴⁵ Jisu nw nyipam a vngmu rikulo, lwbwlaksu vdwa svparsvly gv takdv gonv Betsaida lo vngcho moodubv vla svpw gulo baapubv aamu toku.

⁴⁶ Nyi vdwa albv vnglakukv vla minro kochingbv nw moodw lo kumdubv chaatoku. ⁴⁷ Vdwlo arium tvkudw, svpw v svparsvly gv aralo dooto, vbvritola Jisu dvpwlo akin bv rito. ⁴⁸ Nw ninyigv lwbwlaksu vdwa svpw a pullo ngv tormisidu bv kaapato, ogulvgavbolo doori v bunu gvlo rilwktō; vkvlvgabv aru gv aom gvla akv baji gv pingkolo, nw isi ao bv vngla bunu gvlo aatoku. Nw bunua vngbo yatvto, § ⁴⁹ vbvritola bunu ninyia isi ao lo vngkar dubv kaatoku. Bunu mvngtoku, “Si vram go!” okv svgok toku. ⁵⁰ Bunu vdwlo ninyia kaapa tokudw bunu achialbv busu nyatoku.

Jisu vjagobv bunua mintoku, “Mvngrw tvka!” “Si ngo sumabv, busu mabvka!” ⁵¹ Vbvrinamv nw bunua lvkobv svpwlo aatoku, okv doori v ringin toku. Lwbwlaksu vdwv achialbv lamngak nyatoku, ⁵² ogulvgavbolo hejar angu a dvnām dvmunam gv arwng gv jvjv nga bunu chimato; bunugv mongrumara ngv um chindubv kamchi madvto.

Gennesaret lo Jisu lvvmanv vdwa mvpu jitoku
(Mt 14:34-36)

⁵³ Bunu svparsvly nga rapbo toku okv Gennesaret kvdw hoka aatoku, hoka bunu svpwa takpvtoku. ⁵⁴ Vbv bunu svpw a vngyurilo, nyi vdwv Jisunyi vjagobv kachindato. ⁵⁵ Vkvlgabv

§ 6:48 vngbo yatvtoVmalobunu gvlo aapwngto.

bunu ho mooku mvnwn glo joklakula; okv ogolo nw doopv vla tvvpa pvkudw, bunu lvvmanv nyi vdwa bunugv kargianv lo karmutvla ninyi gvlo aagv toku. ⁵⁶ Okv Jisu gv vngku dvdvlo nampung vdwo, bangga vdwo, vmalo rongo vdwo, nyi vdww nw bunugv lvvmanv nyi vdwa piokpam-dorpamlo aagvla ninyia kodwkkwvla kooto mamajeka lvvmanv vdwa ninyigv vji jelap a mvsit moobkv vla. Okv yvv bunu um mvsit pvkudw bunu pooya nyatoku.

7

Abuapa vdwgv tamsarnam (Mt 15:1-9)

¹ Jerusalem lokv aanv Parisi okv Pvbv tamsarnv mego aadum sila Jisunyi dooyumto. ² Bunu ninyigv lwbwlaksu megonyi lasok mabv dvnam ham dvdubv kaapa toku, vbvrimam v ribu mato—ho v, bunu Parisi vdwgv nyi v vbvritoka vnam aingbv bunu lasok mato.

³ (Parisi vdww, Jius kvgonv vdwwkam, abuapa gv tamsarnam lokv rimingvto: bunu alvyaungbv lasok mabo loka dvnam dvmato; ⁴vmalo bunu bajar lokv aanv ogu-ogu a harkak chomalo* dvmato. Okv bunu bunugv chinam achialvbv kvvbi ribu vkv riming gvtato vbv rito, koobu vdwa, pvchwng vdwa, talu vdwa, okv gadw vdwa alvyaungbv harkaknam.†)

* **7:4** hogugo bajar lokv anvnga bunu harkak chomalo; Vmalohogugo bajar lokv arukochingbv bunu vdww atuv harkak chomadvdvlo. † **7:4** Megonv kitaplo doomadookv gadw haka.

⁵ Vklvlgabv Parisis vdww okv Pvbv tamsarnv vdww Jisunyi tvvkato, “Noogv lwbwlaksu vdww ngonugv abuapa vdwgv tamsarla jilu nama rimingv mabv, vbvritoa lasok mabv dvnam a dvnam si ogubv ridunv?”

⁶ Jisu bunua mirwkto, “Aijaya nonugv lkwngbv nyikrw kaapv namv vdwwgo jvrv rungpvku! Nonuno kaakudubvrinv, vbv ninyigv lkwnam aingbv:

‘Pwknvyarnv mindu, so nyi vdww si, ngam gamchar lokv mwng mvngdvdu, vbvritola jvrvbv bunugv haapok v ngam adudo.

⁷ Bunugv ngam kunamjonam v bunugv lvgabv ogu anyung kaamanvgobv rinyadu, ogulvgavbolo bunu nyi gv mvnam pvbv nga ngoogv pvbv aing gubv tamsardo!’

⁸ “Nonu Pwknvyarnv gv gamki nam a gakye pvvtola okv nyi gv tamsar kolo vngyadu.”

⁹ Okv Jisu minbwngto, “Nonuno nyebabala Pwknvyarnv gv Pvbv nga tua yatola, bununo atugv tamsar nama bvngya dubv vla ridu.

¹⁰ Moses gamkito, ‘Nonugv Anv okv nonugv Abua mvngdv laka,’ okv, ‘yvnbunudw atugv Anv vmalo atugv Abua alvmabv beedunv hum sidubv mvreku.’ ¹¹ Vbvritola nonu tamsardo ho nyi v ninyigv anv okv abua ridur nvdubv ogugo doopv tvla, vbvritola minam v, ‘So si Korban’ (hv minam v, si Pwknvyarnv gv rise ngv ngokv yama), ¹² nw ninyigv anv vmalo abua ridur svngv lokv mvngnga suduku. ¹³ So apiabv nonugv nyi vdwa

tamsar sarlwknamv Pwknvyarnv gv gamchar a milamia yadu. Okv ho apiabv kvvbi rinam vka achialvbv nonu ridu.”

*Nyi a darwk momanv oguogu
(Mt 15:10-20)*

¹⁴ Vbvrinamv Jisu lvkodv nyitwng go goklwk tvla okv bunua minto, “Nonu mvnwngngv, ngoogv minam a tvvria tvka, okv chinlaka. ¹⁵ Agum lokv ogu-ogu v nyi gv arwnglo aanv hv ninyia darwk madubv mvla madunv. Vmabvyadv, so si nyi gv lokv ogu-ogu linv hv nyi a darwk madubv mvyia dunv.” Tvvto laka, hvbvrikunmv, nonuno nyarung doodu nvlo. ¹⁶ Vbvrikunamv, tvvtoka, nonu nyarung gvdubolo.

¹⁷ Vdwlo nw nyitwng ham kayu pikula okv naamlo vngtoku, nw gv lvbwlaksu vdwv so gv minam sum minbwk jilabv vla ninyia tvuto. ¹⁸ Jisu mintoku bunua, “Nonuno yvv kvvbinyi aka chilvyama,” “Nonu chima? Nyi a agum lokv arwnglo aanv ogu-ogu hv jvjv bv ninyia ogu-goka darwk madubv mvlama, ¹⁹ ogulvgavbolo si ninyigv haapok lo aamadu vbvritola ninyigv leit arwnglo okv vbvrinamv ayak lokv agum liyadoku.” (Sv bv mindula, Jisu minbwk jito dvnam dvdv ngv alvdu dvdubv.)

²⁰ Okv nw minbwn gla minto, “So si ogugo nyi arwnglokv agum linv hv yadv ninyia darwk madubv mvdu. ²¹ Arwng lokv, nyi gv haapok lokv, alvmanv nga mvnglindu hv ninyia gwng-mursingmur ridung nga rimudu, chorit modu, mvki modu, ²² kvvbi gv nywngnyilu nga kaabiu

modu, dvgum mola, okv alvmanv dvdv nga rila; dvkupdvritla, konurvnvla, Tanyumtakitla, mvngyakayala, kaimvngsula, okv riporiola ²³ So mvnwng si alvmanv ngv nyi gv arwng lokv lindu okv ninyia darwk momadu.”

*Nyimvmvga akogv mvngjwng
(Mt 15:21-28)*

²⁴ Vbvrinamv Jisu vngyula vnglintoku Taire gv pamtv mooku adarlo. Nw naam gulo aatoku okv ninyia hoka doopv vla yvnyika chingku nwnngmagvri, vbvritola nw doosi nyumatoku.

²⁵ Nyimvmvga go, ninyigv kuunyijar a alvmanv dow naanamgo, Jisunyi tvvpato okv vjakgovv ninyi gvlo aato okv ninyigv lvpalo gilwkto.

²⁶ Nyimvmvga angv Jentail go, Sairia gv Poenesia mooku lo bvngnam go. Nw Jisunyi koodwkkwla kooto ninyigv kuunyijar lo alvmanv dow a charkak jilabv vla minto. ²⁷ Vbvritola Jisu mirwksito, “Klai ngonu vmi vdwa dvmu cholaju. So si alvbv rima vmi gv dvnam a dvritla okv iki vdwa orjinamv.”

²⁸ “Tamsarnv,” Nw mirwksito, “iki vkadv vmi gv dvgianvvnv Tebul lvkwnglo dootola dva nama dvriadu!”

²⁹ Vkvlgabv ninyia Jisu minto, “Ho mirwk sinam lokv, no naambv vngkur nyiku laka, hoka no kaapare uyu gv dow v noogv kuunyijar lokv liro kunam a!”

³⁰ Nw naambv vngtoku okv kaapato ninyigv kuunyijar a gadw lo kardubv; alvmanv dow v jvjvrungbv ninyia kayupila vngrotoku.

Jisu rungji-gangkak nvnga mvpu toku

³¹ Vbvrikunamv Jisu Taire gv namrwk a vngyula okv Sidon gv Galili svparsvlv nga vngpitla, pamtv vring gv lamtvlo vngdungrilo.

³² Nyi megonv nw gvlo nyi ako aagvjito hv rungji okv milin nyumabv minvgo, okv bunu Jisunyi kodwkkwrwkla kooto ninyigv laak v nyi agv aolo lakpv jilabv vla.

³³ Vkvlgabv Jisu nyi hum nyitwng lokv serwlaila ninyigv lakching ngv nyi agv nyarung nga chilwкто, okv nw atubogv lakchinglo chorbiak gvrila ninyigv riu ha mvsit to.

³⁴ Vbvrikunamv Jisu nyidomooku tolo kaadung tvla, achialvbv sagwngto, okv nyi anga minto, “Ephphatha,” So minamsi, “Tvvpva tokukv!”

³⁵ Vjakobv nyi angv tvvpva nyula toku, vkvgv gangkakla minam v nyetoku, okv nw miraptoku ogu mintupminchi kaakumabv.

³⁶ Vbvrikunamv Jisu nyi vdwa orto jitoku so sung yvnyika minpa mabvka; Vbvritola nw bunua mimabvkv vla vd-wgo orto jikubvdw, bunu kaiyayabv minbv toku.

³⁷ Okv hum tvvpanv mvnwngngv lamrwpabv tvvto. “Oguaingbv nw alvrungbv ogumvnwng nga ridapvnnv gubvri!” Bunu mvngpula gokto. “Nw rungji nvnga tvvpva dubv okv gangkak nvnga japdubv, mvrungdu!”

8

Jisu hejar api nyi vdwa dvnam jila dvmu toku (Mt 15:32-39)

¹ Achakgo ayungjvma nga kainv nyitwng kvvbigo aadumsito. Vdwlo nyi vdvw oguka dvse kaaku mato kudw, Jisu lwbwlaksu vdwa ninyigvlo goklwкто okv minto, ²“Ngo aya mvngpadu so nyi vdwgv lvgabv, ogulvgavbolo bunu nga lvkobv

remin gvkunamv alu loum pvku okv vjak oguka dvse kaakuma. ³ Ngo bunua dvnam dvmumabv bunua naam lo vngmu kubolo, bunu vngkulo bunu anyu kumare, ogulvgavbolo bunu megonv adu lamtv lokv aato.”

⁴ Nw gv lwbwlaksu vdwv ninyia tvvkato, “Vbvri-tola nyi vdwsun chukrimooku arwng soka yvvla dvnam dvgubv dvmu svgo paanyujinv?”

⁵ “Nonugvlo vdwgo vtwng doopv?” Jisu tvvkato. “Vtwng takkanw go,” bunu mirwktu.

⁶ Nw nyitwng a kvdw aolo doodubv minto. Vb-vrikunamv nw vtwng kanw a naatoku, Pwkn-vyarnvnyi umbonyika hvto, vtwng nga pinpinpi-into, okv nyitwng nga orpinoryin dubv ninyigv lwbwlaksu vdwa jitoku; okv lwbwlaksu vdwv vbv rijito. ⁷ Bunu gvlo achokgo ngui miyangnv vkv dootato. Jisu umbonyika hvto ho hung okv lwbwlaksu vdwa bunua ortadubv mintoku. ⁸⁻⁹ Mvwnwngngv dvtoku okv dvguto—hoka nyi v nyigagaatv dvdv ngv hejar api gobv rito. Vb-vrikunamv lwbwlaksu vdwv pintungpiung dvlv nga paapi kanw go yarpok dubv naapv toku. Jisu nyi vdwa vngmutoku ¹⁰ okv vjakpi gobv ninyigv lwbwlaksu vdwa lvkobv svpw akolo aatoku okv Dalmanutha mookulo vngtoku.

*Parisis vdwv lamrwpanam go kootoku
(Mt 16:1-4)*

¹¹ Parisis kvgonv Jisu gvlo aato okv ninyia lvkobv larmi surapto. Bunu ninyia naatung dubv, vkvlgabv bunu ninyia tvvkato lamrwpanam go kaatam labkv ho kaapadubv Pwknvyarnv ngv

ninyia yarlwknama. ¹² Vbvritola Jisu haang arwng lokv sakwla okv minto, “Ogulvgabv silugv nyi vdwsu lamrwpanam go rito vla tvvka dunv gubvre? Maa, ngo nonua mindunv! Svkvnv kaachin nvnvgo jimare so nyi vdwa!”

¹³ Nw bunua vngyula, svpw arwnglo aakur lakula, okv vngrap toku svparsvlv gv takdv gonvlo raptoku.

Herod gvla okv Parisis vdwgv vpap

(Mt 16:5-12)

¹⁴ Lvbwlaksu vdww vtwng dvgudvbw bvnglwk svnga mvngpa kuma toku okv vtwng takin gomwng bunugv lvkobv svpw hoka gvlwko.

¹⁵ “Hintolaka,” Jisu bunuam gamrwto, “Okv nonuno atu v Himasulaka Parisis vdw gvla okv Herod gv vpap am.”

¹⁶ Bunugv arwnglo bunu atubongv japrap min-suto: “Nw sum mindo ogulvgavbolo ngonu gvlo vtwng kvvbigoka kaakuma.”

¹⁷ Jisu chinto bunugv ogu gunyi minpvkudw, vkvlgabv nw bunuam tvvkato, “Ogulvgavbolo nonuno ogu dvnam gvma vla raamisidunv? Nonuno chima vmalo vjakka chimare? Nonuno haang ngv achialvbw pvchapvni ai? ¹⁸ Nonuno nyik doodu—nonu kaapamadu nvri? Nonuno nyarung gvdu—nonu tvvpa madonvre? Nonu mvngpa madunvri ¹⁹ vdwlo ngo hejar angu nyi vdw lvgabv vtwng tangu a pintak piyak ika? Vdw paapi akomaring nvgo pintungpiung dvlv nga nonuno naakumpv?”

8:12 Mt 12:39; Lk 11:29
Mk 4:12

8:15 Lk 12:1

8:18 Jer 5:21; Eje 12:2;

“Vring gola anyi,” bunu mirwtko.

²⁰ “Okv vdwo ngo hejar api nyi vdwo lvgabv vtwnng takkanwa pintak piyak ika,” Jisu tvvkato, “Vdwo paapi akomaring nvgo Pintungpiung dvlv nga nonuno naakumpvuv?”

“Kanw go,” bunu mirwtko.

²¹ “Okv vjaklodvuv nonuno chimadunvri?” Nw bunuam tvvkato.

Jisu nyikchingv nyi go Betsaida lo mvpu toku

²² Bunu Betsaida lo aatoku, ho hoka nyi twng-gonv nyi nyikchingv ako Jisu gvlo aagvjito okv ninyia gaksit jibkv vla kodwkkrvkla kooto.

²³ Jisu nyikchingv nyi hum laak lokv svla ila okv ninyia nampung agum bv vnggvto. Nw nyi vkgv nyik a chorbiakro kochingbv, Jisu ninyigv laak v nyigvlo lakpvto okv nw a tvvkato, “No ogugo kaapa lado kure?”

²⁴ Nyi angv moorapla kaato okv minto, “Vvm ngo nyi vdwa kaapa ladoku, vuvritola bunu singv aingbv vngyit kardu.”

²⁵ Lvkodv Jisu ninyigv laak v nyi vkgv nyiklo mampvto. So dw lo nyi angv kaanwngla kaarapto, ninyigv nyik kaapa nvuv ngv aatoku, okv nw ogumvuvng nga kaabwk toku. ²⁶ Vvrikunamv Jisu nyi hum, “Nampung arwng bv vngkur kuyoka” vla minggap gvriila naam bv vngmu toku.

*Jisu yvvdw um Pitar gv milin kunam
(Mt 16:13-20; Lk 9:18-21)*

27 Vbvrikunamv Jisu okv ninyigv lwbwlaksu vdwv Kaisaria Pilippi nampum adarlo vnglintoku. Lamtv vngtunglo nw bunua tvvkato “Nga minpato, nyi vdwv nga yvv vla mindu?”

28 Megonv mindu no Jon Baptist kv, bunu mirwtko; “Kvubi v mindu no Elija kv, kvgonv mintadu no nyijwk vdwlokv akonv noo kv.”

29 “Nonu ogubvla?” Nw bunua tvvkato.

“Ngam nonu yvv vla mindunv?”

Pitar mirwksito, “No Kristo rung.”

30 Vbvrikunamv Jisu bunua gamrwto, “Ngoogv lkwng nga yvnyika minpa mabvka.”

*Jisu ninyigv hinchingchingla sise nga mintoku
(Mt 16:21-28; Lk 9:22-27)*

31 Vbvrikunamv Jisu ninyigv lwbwlaksu vdwa tamsar rpto: “Nyia Kuunyilo ngv hinchingre okv nyigagaatv vdwgv, nyibu butv vdwgv, okv Pvbv tamsarnv vdw bunugv toa kunam gobv rire. Ninyia sidubv mvre, vbvritola alu loum kochinglo nw turkur riku.” 32 Nw hum bunua chinbwdubv ritoku. Vkvlgabv Pitar ninyia gaklaila vngsum gvto okv ninyia yamrpto. 33 Vbvritola Jisu dakkur dakrwkla, kaato ninyigv lwbwlaksu vdwa, okv Pitarnyi yamtoku. “Uyu no, ngoogv lokv vngroto,” nw minto “Noogv mvngnam v Pwknvyarnv gv lokv aama vbvritola nyi gvlokv!”

34 Vbvrikunamv Jisu nyitwng nga okv ninyigv lwbwlaksu vdwa ninyi gvlo goklwtko. “Yvvdw ngoogvlo aanvpv mvngdunv,” nw bunua minto

“Hv atu v mvngnga sutola, ninyigv daapo nga gv-tola okv ngam vngming gvlaka. ³⁵ Yvv atubongv gv singdung nga singdubv mvngnv ngv hv ngoore; vbvritola yvvdw atugv singdung nga ngogv bv ngoobolo okv Alvvv Yunying lvgabv mvngbu v singyare. ³⁶ No nyiamooku mvnwng sum no gv bv mvtola, no atubogv yalu a nyemu namv, hv no ogu anyung go doopvla? Anyung kaama! ³⁷ Nw gv singdung nga lvkodv singdukubv ninyia jinyunv oguguka kaama. ³⁸ Yvvnyi hv pwknvyarnv chimanv okv alvmanv alu so ngam la ngoogv tamsar nama hinying dunv, humka nyia kuunyilo ngv vdwlo nyidogindung gv lvkobv ninyigv Abu gv yunglit lo aarikudw ninyia hinying ngurv riku.”

9

¹ Okv nw minbwngla minto, “Ngo nonua mindunv, ho mego si doodu hv vdwloka simare Pwknvyarnv gv Karv nga jwkrw nga lvkobv aaku nama bunu kaama dvdvlo.”

Jisu ayak akuavnam
(Mt 17:1-13; Lk 9:28-36)

² Alu lokv kochingbv Jisu, Pitar, Jems, okv Jon, bunua aonv moodw golo chaagvto, ho kvvbinyi kaama bunu mwng. Ho Jisu bunugv kaakulo akusubv ritoku, ³ Okv ninyigv vjiv Yapung toji toku—nyia mooku so yvvgv vji a nukakjeka hung yapung yanv kaamare. ⁴ Vbvrikunamv lwbwlaksu aom v kaapato Elija okv Moses Jisunyi lvkobv

raami sidubv. ⁵ Pitar milinla Jisunyi minto, “Tamsarnv, ngonugv soka doonam si achialvbv alvnamgo! Ngonu so taabio aomgo mvre akonyi noogv lvgabv, akonyi Moses gvbv okv akonyi Elija gvbv.” ⁶ Pitar la kvgonv achialv busuto ho nw ogugo minsedw chingkumato.

⁷ Vbvrikunamv haapum ako kaklwkla okv bunua doonyum lokv nyumrumto, okv haapum lokv gaam gamgo milinto, “Si ngo atugv paknam Kuunyilo ngv—ninyia tvvyato!” ⁸ Bunu baapu alvbv kaitkarto vbvritola yvnyika kaapamato; Jisu mwng bunugv lvkobv dooto.

⁹ Bunu moodw lokv iku nvngv, Jisu bunua minto, “Yvnyika minpa mabvka nonu ogugo kaapvdw, nyia kuunyilo ngv sinam lokv turkurma dvdvlo.”

¹⁰ Bunu ninyigv minamtvto, vbvritola bunugv arwnglo bunu rarap minsuto ho gaam am, “Sinam lokv turkurkunam’ si ugu a mindu nvgubvre?”

¹¹ Okv bunu Jisunyi tvvkato, “Ogubv Pvbv tamsar nvngv mindu ho Elija aacho yinpv?”

¹² Nw gv mirwknamv, “Elija jvjvklvbv aachoreku ogumvnwng nga alvbv ripv reku. Vbvritola Darwknv Kitaplo ogubv mindu ho Nyia Kuunyilo ngv achialvbv hinchng reku okv toanam gobv rireku? ¹³ Ngo nonua mindunv, ogubvrijeka, Elija aapvku okv ho nyi vdww Darwknv Kitaplo ninyigv lkwng nga minam jvbv ninyia bunugv mvngkubv rinyato.”

*Jisu vmiyapa alvmanv dow gvngvo mvpu toku
(Mt 17:14-21; Lk 9:37-43)*

14 Vdwlo bunu lwbwlaksu kvgonyi vngdum sitokudw, bunu nyitwng go bunua vngyum dubv kaapato Pvbv tamsarnv megonv lvkobv larkwng minsuto bunuam. 15 Vdwlo nyi vdvw Jisunyi kaatodw, bunu maatar alvbv lamkato, ho ninyia jokrwkto okv naarwk sila luurwkto. 16 Jisu lwbwlaksu vdwa tvvkato, “Ogugola nonugv bonuam larmisinam hv?”

17 Nyitwng lokv nyi akonv mirwkto, “Tamsarnv, ngo ngoogv kuunyilo nga no gvlo aagv jipvny, ogulvgavbolo ninyigvlo alvmanv dow v dootola okv milin nyumado. 18 Vdwlo ninyia dow v aalwk ridw, hv ninyia dookulo taba modu, okv ninyigv gaam lokv sipiktait v lindu, ninyigv hijung ngv hitwkkwkd, okv mvnwn glo kamdaramda lwkdu. Ngo noogv lwbwlaksu vdwa darwkmanv dowa charlin jilabvkv vkwto, vbvritola bunu rila nyumato.”

19 Jisu bunuam minto, “Vdwgo mvngjwng manv nyi vla nonu! Vdwgo ngo nonua lvkobv doobamre? Vdwgo ngo nonua lvkobv mindin minbiayare? Vminyilo nga ngo dookuso bvnglwkto!” 20 Ninyia bunu Jisu gvlo bvnglwkto.

Vjakgovv dow v Jisunyi kaapa sopikda, ung vminyilo nga dvato, kvlvgabv nw kvdw lo hopvto okv gaam lokv svpiktait linla, gwchargwyarto. 21 Jisu abua tvvkato, “Vdwlok v nyi si svbv ripvny?”

Abu v mirwkto, “Nw gv vmi anga lokv.” 22 “Achialvgo darwkmanv dow v ninyia mvkidubv gwngkwto vmvlo nw joklwkla okv isi loka. Ngonua aya labvka okv ringlabvka, no riso mvngbolo rilare!”

23 “Vm,” Jisu minto, “No ogubv mindunv, no rilabolo vla! Ogumvwnwg a riladu nyi v yvv mvngjwng pvdw.”

24 Abu v vjagobv kapkok linto, “Ngo mvngjwngdu, vbvritola mvngchima. Awgo doodubv ngam ridur labvka!”

25 Jisu chintoku nyitwng gv bunua nvchilo jokkum kunam a, vkvlvgabv nw alvmanv dowa gamkito. “Rungji okv gangkakov dow,” nw minto, “Ngo nam mindunv so vminyilo sokv linro tokuka okv lvkodv nw gvlo aakur kuyoka!”

26 Dow v svgek toku, vminyilo anga alvmabv jinjin mola gipv motokula, okv lintoku. Vminyilo angv sipvkunv aingbv kaato, okv mvnwnwngv mintoku, “Nw sipvku!” 27 Vbvritola Jisu vminyilo anga laakbv gagbwng toku okv ninyia godung dubv ridurto, okv nw godung toku.

28 Jisu arwnglo aaro kochingbv, ninyigv lwbwlaksu vdwv ninyia tvvrwsula tvvkato, “Ogulyv-gabv ngonu dowa charlin nyuma dunv?”

29 Jisu mirwkto, “Kumnam mvngchik lokv vkv nvnga charlin nyure; ogu gunvka rinyu mare.”

*Jisu ninyigv sise lvkwng nga lvkodv mintoku
(Mt 17:22-23; Lk 9:43-45)*

30 Jisu okv ninyigv lwbwlaksu vdwv ho mooku a kayupikula okv Galili nga vngpikla vngtoku. Jisu nw atu hv ogolodw um yvvnika chimmuso mvngmato, 31 vkvlvgabv ninyigv lwbwlaksu vdwa nw tamsarto: “Nyia Kuunyilo nga nyi gv laaklo laklwk reku bunu ninyia mvki riku. Alu loum kochinglo, ogubvrijeka, nw turkur reku.”

³² Vbvritola bunu tvvchin mato so tamsarnam si ogu vdw, okv bunu busu nyato ninyia tvvka svnga.

Yvvla kaiyachoknv?

(Mt 18:1-5; Lk 9:46-48)

³³ Bunu Kaparnaum lo aatoku, okv arwn-glo aachinam kochingbv Jisu ninyigv lvbwlaksu vdwa tvvkato, “Nonuno lamtv vngtunglo ogubv lardung minsupvuv?”

³⁴ Vbvritola bunu ninyia mirwkmato, ogulv-gavbolo bunugv pingkolo yvbbvri kaiyachok jinv ngv vla lamtv vngtunglo lardung minsu kunam lvgabv. ³⁵ Jisu dootokula, lvbwlaksu vring gola anyia goklwkto, okv bunuam minto, “Yvvdw vngcho nvpv mvngdunv v atubongv mvnwnv gv kochinglo vngtoka okv mvnwnv gv pakbu bv ritoka.” ³⁶ Vbvrikunamv nw vmi ako gakb-wng toku okv ninyia mvnwnv gv atuklo dakmu toku. Nw gv laak hv vmi anga chegapto okv bunuam minto, ³⁷ “Yvvdw so vmi vdw sokv ako gonyika ngoogv amin bv naarwk bongv, hv ngaaka naarwk sidunv; okv yvvdw ngam naarwk sidunv, hv ngam mvngma vbbvritola ngam so jil-wkbu angaka naarwk dunv.”

Yvvdw ngonua rinying madunv hv ngonu gvngv
(Lk 9:49-50)

³⁸ Jon Jisunyi minto, “Tamsarnv, ngonu nyi ako noogv amin bv uyuvram vdwa charkak dubv kaato, okv ngonu ninyia rima bvkv vla minto, ogulvgavbolo nw ngonugv apum lokvma.”

9:34 Lk 22:24 **9:35** Mt 20:26,27; 23:11; Mk 10:43,44; Lk 22:26

9:37 Mt 10:40; Lk 10:16; Jn 13:20

39 “Ninyia mintor dubv rikw mabvka,” Jisu bunuam minto, “Ogulvgavbolo yvvdw ngoogv amin bv lamrwpadubv rinv ngv hv koching nga baapubv ngoogv amina minyingminsu mimare.

40 Yvvdw ngonua rinik madunv v ngonu gvbvku.

41 Ngo nonua jvjvbw mindunv yvvdw nonua isi tvngse go jidunv hv ninyigv jijo amina paarungre ogulvgavbolo nonu ngo gvngv.

Pokayarka la rimur monv

(Mt 18:6-9; Lk 17:1-2)

42 “Yvvdw akonvnga mvngjwng doonv vmi sum gwngka riadunv, v alvyare ho nyi angv vlwng pwktv nvlo atugv lvngpolo yiklwk sutola okv sv-masa lo poklwk sunam v.” 43 Vkvlgabv nogv laak gonv noogv mvngjwng nga ngoomu dvbolo, ung paato! Si alvyare laak gonv kamabv singkulo aalwknamv okv laak laknyia gvgvrila uyumooku bolo vmv ngapma* kolo vngmam svnga. 44 Hoka bunuam tapum vdww chedu v vdwloka simare, okv vmv ngv bunuam gudu v vdwloka ngapmare. 45 Okv noogv lvpa gonv noogv mvngjwng nga ngoomu dvbolo, ung paato! Si alvyare lvpa gonv kamabv singkulo aalwknamv okv lvpa lvnyia gvgvrila uyumooku bolo japlwk kosenga.†

46 Hoka bunuam Tapum v chedu v vdwloka simare, okv vmv ngv bunuam gudu v vdwloka

9:40 Mt 12:30; Lk 11:23 **9:41** Mt 10:42 **9:43** Mt 5:30 * **9:43** Megonv kitaplo bars 44 sum lvktamdo: Hoka bunuam Tapum v chedu v vdwloka simare, okv vmv ngv bunuam gudu hv vdwloka ngapmare’ (Bars 48 sum kaato). † **9:45** Megonv kitaplo bars 46 sum lvktamdo: Hoka bunuam Tapum v chedu v vdwloka simare, okv vmv ngv bunuam gudu hv vdwloka ngapmare’ (Bars 48 sum kaato)

ngapmare. ⁴⁷ Okv noogv nyik gonv noogv mvngjwng nga ngoomu dvbolo, hung kolinto! Si alvyare noogv lvgabv nyik nyikin tvla Pwknvyarnv gv karvlo aalwknamv okv nyiknyi ha gvgvrila uyumooku bolo japlwk kosenga. ⁴⁸ Hoka bunuam Tapum v chedu v vdwloka simare, okv vmv ngv bunuam gudu hv vdwloka ngapmare.

⁴⁹ “Mvwnwngnga vmv lokv ramdarre oguaingbv erinpeelwk nama alu lokv piakdar dvdw.

⁵⁰ “Alu v alvnvgo; vbvritola ho gv tinam v ngeku bolo, oguaingbv lvkodv ung tidukubv mvnyure?

“Alu jbv nonugv pinkolo ajin jinla, okv sar-sopoyo bv ribam dakbam laka.”

10

Jisu burmisiinam lkwng nga tamsar toku (Mt 19:1-12; Lk 16:18)

¹ Vbvrikunamv Jisu ho mooku a vngyula, Judia mookubv vngtoku, okv jordan svko nga rap-toku. Nyitwng v lvkodv ninyia vngyum toku, okv ninyigv ribwngnam aingbv, bunuam nw tamsar toku.

² Parisis kvgonv ninyigvlo aato okv ninyia kupdubv gwngto. Bunu tvvkato, “Ngonua minpa labv, ngonugv Pvbv lo nyiga ngv atugv nywng nga apak dubv dopvvre?”

³ Jisu mirwk siyingla tvvkato, “Moses nonua ogu Pvbv go minpvpi?”

⁴ Bunugv mirwknamv, “Moses gv minpv namv nyiga ngv atugv nywng nga apak dubv vnglin nvnv pota go lvktola vngmulaka hvpv.”

⁵ Jisu bunuam minto, “Moses nonugv lvgabv so Pvbv nga lvkto ogulvgavbolo nonua tamsar sarnyu manam lvgabv. ⁶ Vbvrítola atuake ho, Pwklinyarlin rilo, ‘Pwknvyarnv bunua nyimv okv nyilo bv,’ darwknv Kitaplo vbv mindu. ⁷ ‘Okv vkvlvgalo nyiga ngv atugv anv okv abua kayupila okv atugv nywng nga lvkobv ririku,* ⁸ okv anyiv akin gubv ririku.’ Vkvlgabv bunyi anyikuma, vbvrítola akinhvku. ⁹ Vbvríkunamv, Pwknvyarnv gv naadumsiku nama nyia nyi gunv yvvjvka um naapin sirung mabvka.”

¹⁰ Vdwlo bunu naamlo vngkur tokudw, lwbwlaksu vdww so gv lvkwwng nga Jisunyi tvvkato. ¹¹ Nw bunuam minto, “Nyi v yvv atugv nywng nga apak tvla okv kvvbi nyimvmvvgga nga nywng mvbolo atugv nywng nga rinyingdu. ¹² Vkv aingbv, nyimvmvvgga ngv yvv atugv nyilu nga apak tvla okv kvvbinyi go nyilu naakubolo hv jwkjwkvrvk manv.”

Jisu vmi vdwa boktalwkji toku
(Mt 19:13-15; Lk 18:15-17)

¹³ Nyi megonv vmi vdwa Jisu gvlo aagvto ninyigv laak lokv bunuam mampv modubv vla, vbvrítola lwbwlaksu vdww nyi vdwa yamtumto. ¹⁴ Vdwlo Jisu um kaapa kunamv, nw haachito okv ninyigv lwbwlaksu vdwa minto, “Vmi vdwa ngoogvlo aamuto, okv bunua mintor mabv, ogulvgavbolo Pwknvyarnv gv Karv ngv bunu aingnv gvngv. ¹⁵ Ngo nonua jvjvkv

10:6 Atk 1:27; 5:2 **10:7** Atk 2:24 * **10:7** Megonv kitaplo domado okv nwgv nywng nga lvkobv doodu. **10:11** Mt 5:32; 1Kor 7:10,11 **10:15** Mt 18:3

mindunv. Yvv vmi aingbv Pwknvyarnv gv Karv nga naarwk madudw nw hoka vdwloka aanyumare.” ¹⁶ Vbvrikunamv nw vmi vdwa nw gvlo laachumtoku, ninyigv laak v bunuam akin-akinbv mampvto, okv bunuam boktalwkji toku.

Nyitvny nyi go

(Mt 19:16-30; Lk 18:18-30)

¹⁷ Jisu ninyigv vngkubv lvkodv vngrap tvvdubv, nyi ako joklwk toku, ninyigv lvgaplo gublwkto, okv ninyia tvvkato, “Alvbv Tamsarbo, ngo turbwng nama paadubv ogugo rise vdw?”

¹⁸ Jisu ninyia tvvkato, “No ngam ogubv alvnvgo vla mindunv?” “Yvvka alvnvgo kaama Pwknvyarnv akin mwng. ¹⁹ No gamkinam vdwa chin-sudo: ‘Gwngrw gwmabvka; nywngnyilu ribo minsu mabvka; dvcho mabvka; yvnyika mvvla mimur mabvka; dvkup mabvka; noogv anv okv noogv abua mvngdv laka.’ ”

²⁰ “Tamsarnv,” nyi angv minto, “Ngoogv yaapa singsa yilokv rila, ngo gamkinam vdwa tvvla ripvkunv.”

²¹ Jisu ninyia paknambv kaagap jinjinla minto, “No rise ako doodu. Vngnyika okv noogvlo ogugo doopvdw mvnwngnga pyoktoka okv morko nga heema vdwa ortoka, okv no nyidomooku tvlo ny-itvyachok reku; vbvritokula aalakula okv ngam vngming gvlaka.” ²² Vdwlo nyi angv so tvvpa kunamv, ninyigv nyukmu v motvkrv tokula, okv mvngdwkla vngtoku, ogulvgavbolo nw achibv ny-itv nvgo.

10:19 Mog 20:13; Det 5:17; Mog 20:14; Det 5:18; Mog 20:15; Det 5:19; Mog 20:16; Det 5:20; Mog 20:12; Det 5:16

²³ Jisu hoka ninyigv lwbwlaksu vdwa kaitkarla kaato okv bunuam minto, “Nyitvny nyi vdwgv lv-gabv Pwknvyarnv gv Karv lo aatv rinyi achialvbv aanyu manam gubv ridu!”

²⁴ Lwbwlaksu vdww ho gv gaam minam vdwa lamtoku, vbvritola Jisu minbwng jito, “Ngoogv vmi vdwa, Pwknvyarnv gv Karv lo aadu bv so si achialvbv aanyu manam gubv ridu! ²⁵ Nyitvny nyi gv Pwknvyarnv gv Karv lo aatv rinyi kemel† gv pwsu ungko lo vngpit tvvnam um svnga, si achialvbv aanyu manam gubv riya dunv.”

²⁶ Hokaku lwbwlaksu vdww achialvbv lamngak nyatoku okv akonv-akonyi tvvka minsu toku, “Vb-vribolo, yvvkula ringnam a paala jinv?”

²⁷ Jisu hoka bunuam kaadichinchinla kaato okv mirwkto, “So si nyi gubv rikanyuma nvgo, vbvritola Pwknvyarnv gvbvma; Pwknvyarnv lvgabv ogumvwnwng ngv rinyu dunv.”

²⁸ Vbvrinamv Pitar milin toku, “Kaato, ngonu ogumvwnwng nga topu tokula okv nam lvkobv vngming gvdunv.”

²⁹ “Vm,” Jisu bunuam minto, “Okv ngo nonua mindunv ho yvv akonv naam vmalo boru vdwa vmalo bormv vdwa vmalo anv nga vmalo abua vmalo kuu vdwa vmalo rongo nga ngoogv okv gamlv gv lvgabv topu kubolo, ³⁰ sogv singnam sum kaiyachok yago paariku. Nw paariku lwnggo lvvya naamgo, boru go, bormv go, anv go, kuu go okv rongo go—okv ngam mvngjwngnam lokv mvdwkmvku haka; okv singnam gonv aaku bolo nw turbwngnv singnam a paariku. ³¹ Vbvritola,

† **10:25** Kemel: Si chukrilo rinu kainv svnwngsvmin **10:31** Mt 20:16; Lk 13:30

awgonv vjak yvv kainvgobv singpvdw, hv miang nvgobv singreku, okv awgonv yvv vjak, miang nvgobv singpvdw, hv kainvgobv singreku.”

*Jisu ninyigv sise lkwng nga lvom nvbv mintoku
(Mt 20:17-19; Lk 18:31-34)*

³² Jisu okv ninyigv lwbwlaksu vdwv Jerusalem lo chaadubv lamtvlo vngdungto. Jisu lwbwlaksu vdwa vngchoyala vngto, kvgonv lamnyato; adarlo vngming gvnv nyi vdwv busunyato. Lvkodv Jisu vring gola anyi lwbwlaksu vdwa adargolo lingvto okv hoka ninyia ogugo rijinvnga ung mintoku. ³³ “Tvvyato,” Nw bunua minto “Ngonu Jerusalem bv vngdungdunv hoka Nyia Kuunyilo nga nyibu butvnnv vdwgvlo okv Pvbv tamsarnv vdwgvlo laklwk reku. Bunu ninyia simu dukubv miyakaya reku okv vbvritola ninyia Jentail haalung gvlo laklwk reku, ³⁴ Ho bunu ninyia nyarjikau reku, tachor chorbiakre, svnyakpare, okv ninyia mvkire; vbvritola nw alu loum nvnga turkur reku.”

*Jems la Jon bunyi gv dinchibv koonam
(Mt 20:20-28)*

³⁵ Vbvrikunamv Jebedi gv kuunyilo, Jems la Jon, Jisu gvlo aato. Bunu minto, “Tamsarnv, ngonugv mvngnam akonv ngonugv lvgabv rijilabv vla mvngdunv.”

³⁶ Jisu bunua tvvkato, “Hv ogugola?”

³⁷ Bunu mirwktto, “Vdwlo no noogv yunglit rungngv Karv lo doori kudw, ngonu mvngdu no ngonua noogv lakchilo akonyi okv lakbiklo akonyi, noogv dookulo lvkobv doogv labv vla mvngdunv.”

³⁸ Jisu bunua minto, “Nonuno chima nonu ogu gonyi koodudw, Ngoogv hinchng koobu lo tvngjiam sum um nonu tvnglare? Ngoogv Baptisma‡ naajinam um nonuno naalare?”

³⁹ Bunu mirwcto, “Ngonu rilare.”

Jisu bunua minto, “Rinam gvbv nonu ngoogv tvngjikunam hinchng koobulo tvnglare okv ngoogv baptisma naajinam apiabv naamwng gvlare. ⁴⁰ Vbvritola ngoogv lakchilo okv lakbiklo yvv dooridw um dardubv ngoogvlo kaama. So dooku sam Pwknvyarnv yvvgv lvgabv mvpvjila vvpvnnw nw jire.”

⁴¹ Vdwlo lwbwlaksu vring ngv um tvvpa tokudw, bunu Jems nyila okv Jonnyi haachi toku. ⁴² Vkvlgabv Jisu bunu mvnwngnga lvkobv ninyigvlo goklwcto okv minto, “Nonu chindu yvnyiv Jiusmanv nyi vdwgv dvbv bv ridunv bunu vdww bunuam rigvdu, okv rigvnnv vdww achialvbv tojupkunamv doodu. ⁴³ Si, ogubvrijeka, nonugv pingkolo rima svngv. Nonuno gvlo akonv kai yanvpv mvngdulo, nw mvnwng gv pakbubv rirunglaka; ⁴⁴ Okv nonuno gvlo akonv vngcho nvpv mvngdudw, nw mvnwng gv nyirabv rirunglaka. ⁴⁵ Nyia kuunyilo jesing ngv rijikodubv aama; Nw rijitebv aato okv ninyigv singtung nga mvngnga yala achialv nyi go ringlin dukubv.”

*Jisu nyikchingnv Bartimasnyi mvpu toku
(Mt 20:29-34; Lk 18:35-43)*

10:38 Lk 12:50 ‡ **10:38** Baptisma vnam si Jisu gv hinchng chinla sise nga mindunv **10:42** Lk 22:25,26 **10:43** Mt 23:11; Mk 9:35; Lk 22:26

⁴⁶ Bunu Jeriko lo aalwkto, okv Jisu ninyigv lwbwlaksu vdwala okv nyitwng nga lvkobv vng-gvla vngrilo, Timias gv kuunyilo Bartimas vnam nyikching tola giago nvgu lamtv adar lo dooto.

⁴⁷ Vdwlo nw Najaret lokv Jisu kunyi vla tvvpa-pvdw, nw gokrapto, “Dabid gv kuunyilo, Jisu, ngam aya mvngpa labv!”

⁴⁸ Achialvnnv nyi v ninyia yamto, okv ninyia bunu choibvkv vla minto. Vbvritola nw gamtvayayavv gokto, “Dabid gv kuunyilo, nga aya labvka!”

⁴⁹ Jisu daktungto okv minto, “Ninyia goklwkto.” Vkvlgabv bunu nyikchingnv nyi um goklwk jitoku. “Mvngpu laka!” Bunu minto. “Gudunglak nam Jisu gokdu.”

⁵⁰ Vkvlgabv nw atubogv vji laklwk ka ora toku, pogin pokrapto, okv Jisu gvlo aatoku.

⁵¹ “No ngam ogugo rijikoso mvngdu?” Jisu nyi um tvuto.

“Tamsarnv,” Nyikchingnv nyi v mirwksito, “Ngo lvkodv kaapa nwnngo.”

⁵² “Vngnyika,” Jisu ninyia minto, “Noogv mvngjwng ngv nam alvdvbv mvpvku.” Vjakgobv nw kaapatoku okv lamtv ho Jisunyi vngming gvtoku.

11

Jisu Jerusalem lo Dvbv bv aatoku

(Mt 21:1-11; Lk 19:28-40; Jn 12:12-19)

¹ Bunu Jerusalem vngchi dase rilo, Betpej gv okv Betani gv banggu nvchilo, bunu Olib Moodwlo aatoku. Jisu ninyigv lwbwlaksu anyigo kanamla vngcho moto ² Svkvnnv gaam milwkto: “Nonugv

vnglwkjiku nampung alo vngnyilaka. Nonu alo vngchi sopikda, siak ako takpvla lvkoka riokw manamgo nonu kaapare. Um paksoklaila okv um soka aagv teka. ³ Okv nyi gonv nonua ogubv vbv ridunv vla tvvka bolo, so gv Ahtuv* sum naanwngdu okv sum baapubv jikur reku vla ninyia minpa laka.”

⁴ Vkvlygabv bunu vngto okv lamtv vngtunglo siak ako naam ako gv agi lo rvngpv dubv kaapa toku. Bunu um taasok rilo, ⁵ nyi mego hoka daknv vdvw bunua tvvkato, “Nonu ogubv rila, siak a taasok dunv?”

⁶ Bunu Jisu gv milwknam jvbv mirwkto, okv nyi vdvw bunua boomu toku. ⁷ Bunu siak a Jisu gvlo boolwk jito bunugv vji laklwk a siak aolo pujito, okv Jisu aolo gecha toku. ⁸ Nyi mvnwngngv bunugv vji laklwk a lamtvlo pupvjito, kvgonv rongo lokv svngming pala okv um bunu lamtvlo pipv jito. ⁹ Koching okv habobv vngming gvnv nyi vdvw gokrap nyato, “Pwknvyarnvnyi hartvto! Pwknvyarnv boktalwkji laka Atugv amin bv aanvnga! ¹⁰ Pwknvyarnv boktalwkji laka aainv ngonugv Dvbv Dabid gv Karv nga! Pwknvyarnvnyi hartvdu!”

¹¹ Jisu Jerusalem lo aalwk toku, kumkunaam arwnglo aatoku, okv ogumvnwng nga kaitkarto. Vbvrította alu v loodwng kunam lvgabv, nw lvbwlaksu vring gola anyi lvkobv vnglingvla Betani bv vngtoku.

Jisu koksitkokrik singnv go beekito
(Mt 21:18-19)

* **11:3** Ahtu; Vmalosoogv atu. **11:9** Miri 118:25,26

¹² Logo nvnga, bunu Betani lokv vngkurla vn-grilo, Jisu kano toku. ¹³ Nw adu bv koksitkokrik singnv go anv ngv harbum dubv kaapato, vkvlgabv nw koksitkokrik apw doopv bvri vla aala kaato. Vbvrítola vdwlo nw aatokudw, nw anv mvngchik a kaapa toku, ogulvgavbolo hoka koksitkokrik apw svvdw madvto. ¹⁴ Jisu hoka koksitkokrik singnv nga mintoku, “Yvuka lvkodv noogvlo koksitkokrik dvlwk kumare!”

Okv ninyigv lwbwlaksu vdwv um tvvpato.

Jisu Pwknvyarnvnaam lo vngtoku
(Mt 21:12-17; Lk 19:45-48; Jn 2:13-22)

¹⁵ Vdwlo bunu Jerusalem lo vngchi tokudw, Jisu Pwknvyarnvnaam lo vngtoku okv pyoknv okv rvvnv mvnwngnga mvyakmvchak rirap toku. Nw morko lwkkolwkpik nvgv tvbul okv taakw pyoknv dooging okv pyokgingnvnv nga duyakduchak toku, ¹⁶ Okv nw yvnyika Pwknvyarnvnaam agum bv ogugoka gvvpik momato. ¹⁷ Vbvríkunamv nw nyi vdwa tamsarto: “So si Darwknv Kitaplo lvpvdu ho Pwknvyarnv minto, mooku mvnwng gv nyi mvnwng lvgabv ‘Ngoogv Pwknvyarnvnaam hv diringmooku nyi mvnwng gv kumgingjoging naam vla mindunv.’ Vbvrítola um dvchochonv vdwgvbv tosi siging kobv nonuno kokda pvjiduku!”

¹⁸ So sum nyibu butvvnv vdwv okv Pvbv tamsarnv vdwv tvvpato, vkvlgabv bunu Jisunyi ogolo mvki sogobvri vla agi kaarap toku. Bunu ninyia busu toku, ogulvgavbolo ninyigv tamsar nama nyitwng mvnwngngv lamngak nyatoku.

¹⁹ Vdwlo arium tukudw, Jisu okv ninyigv lwb-wlaksu vdww pamtv nga vngyu toku.

Koksitkokrik singnv lokv kaachin sinam
(Mt 21:20-22)

²⁰ Logonvgv arukamchi lo, bunu lamtvlo vngying dula, bunu koksitkokrik singnv go kaato. Hv singmwng lokv miami mvnwng lobv sintoku.

²¹ Pitar mvngpa toku ogugo ripvdw okv Jisunyi minto, “Kaato, Tamsarnv, noogv beenam koksitkokrik singnv ngv sinpvku!”

²² Jisu bunua mirwk toku, “Pwknvyarnvnyi mvngjwngtvka. ²³ Ngo nonua jvjvklv bv mindunv ho yvvdw so moodw sum gudungla okv atu v svmasa bolo orlwksuto vla okv ninyigv haapoklo mvngngvm manam kamabv, vbvritola ogugo ninyigv minam v rirungre vla, mvngjwng bolo v nw gvbv rijire. ²⁴ Svkv lvgabv ngo nonua mindunv: vdwlo nonu kumredw okv ogugonyi kooridw, mvngjwngtvka ung nonu paapvku, okv ogugonyi nonu koobolo nonua jirung reku. ²⁵ Okv vdwlo nonu dakla okv kumbolo, mvngnga laka yvvdw nam rinying pvdw, vkvlgabv ho nyidomooku aogv doonv Abu noogv rimur a mvngnga jireku.† ²⁶ No kvvbi haka mvngnga mabolo, noogv Abu nyidomooku aogv doonv tvka noogv rimur rinam vdwa mvngnga mare.”

Jisu gv tujupkunam gv lvkwng nga tvunam
(Mt 21:23-27; Lk 20:1-8)

11:23 Mt 17:20; 1Kor 13:2 **11:25** Mt 6:14,15 † **11:25**
Megonvkitap lo bars 26 sum lvktamdoVbvritola no kvvbi ham mvngnga mabolo, aotolo doonv noogv Abu ka, noogv rimur rinam a mvngnga jimare. (Kaato Mt 6:15).

²⁷ Bunu lvkodv Jerusalem lo aachitoku. Jisu Pwknvyarnvnaam lo vngkarto, nyibu butvnnv vdww, Pvbv tamsarnv vdww, okv nyiga vdww ninyigvlo aato ²⁸ okv nw ha tvvkato, “No so vdwwsum ridubv ogu rilannv go doopv? Yvv nam so rilannv nga jipvnnv?”

²⁹ Jisu bunua mirwkto, “Ngo nonua vjak gamgo tvkare, okv nonuno nga mirwksito, ngo nonua minpare ogu rilannv go ngo doopvdw so vdwa ridubv. ³⁰ Ngam minpalabv, ogolokv Jon gv Bap-tisma jilannv ngv aapvnnv: v Pwknvyarnv gvlore vmalo nyi gvlore?”

³¹ Bunugv pinkolo bunu larrap minsuto: “Ngonu ogugo mindubv? Ngonu Pwknvyarnv gvlokv vla mirwk sibolo, nw minre, ‘Ogulvgabv, vbvrinamv, nonu Jonnyi mvngjwng mapvnnv?’

³² Vbvritola ngonu ‘Nyi lokv vla minbolo...’” (Bunu nyi vdwa busunyato, ogulvgavbolo nyi mvnwngngv Jonnyi nyijwk akobv mvngjwng nyato.) ³³ Vkvlgabv Jisunyi bunugv mirwknamv, “Ngonu chimado.”

Vbvrikunamv Jisu bunua minto, “Ngooka nonua minjimare, ogu rilannv lokv ngo so vdwwsum ridunvdw.”

12

Anggor rongo rwktin vdwa minchisinam

(Mt 21:33-46; Lk 20:9-19)

¹ Vbvrikunamv Jisu bunuam minchisinam lokv mintoku: “Kvvlo nyi ako dooto hv anggor rongo ako mvtoku, hum svlung rakyum toku, anggor nyumjit kobv ungrung ako dutoku okv kaaya

koku taabio akochin bioto. Vbvrigrvrla nw rwk-
 tinnam nyi lo tinlwk toku okv naam a mooying
 vngyu toku. ² Vdwlo anggor a naakumdw hv
 aato kudw, nw pakbua rwktin gvlo vngmu toku
 ninyigv paase nga bunu gvlo naarwk simudubv
 vla. ³ Rwktin tinam vdww pakbu nga naatungto,
 ninyia jvngto, okv arochoko bv vngkur motoku.
⁴ Vbvrikunamv atu v pakbu gonvnyi vngmuto;
 rwktin tinam vdww ninyia dumpo lokv jvngrap
 toku okv ninyia achialvbv nyarjikaola mvtung-
 mvre toku. ⁵ Atu hv pakbu ako godv vngmuto,
 okv ninyia bunu mvki toku; okv bunu achialvbv
 kvvgo nyika vbvdvdbv mvto, kvgonyi jvngto kv-
 gonyi mvkito. ⁶ Akin mvngchik go doomwng toku
 vngjikunv hv rongo atugv paknam kuunyilo ngv.
 Vbvrikunamv, atar anyabv, nw ninyigv kuuny-
 ilo nga rwktin vdwwgvlo vngmu toku. Nw minto
 ‘Ngo jvjvbv mvngdunv bunu ngoogv kuunyilo
 nga mvngdvri.’ ⁷ Vbvritola rwktin vdww bunugv
 arwnglo raamisito, ‘So si rongo atu gv kuunyilo
 ngv. Klai, aakumto ninyia mvki laju, okv ninyigv
 yikungyira ngv ngonu gvbv rireku!’ ⁸ Vkvlvgabv
 bunu kuunyilo anga naatungto okv ninyia mvki
 toku okv ninyigv svma nga rongo agumlo joa
 toku.”

⁹ “Vbvrikubolo, rongo atu v ogu rirekudw?” Jisu
 Tvvkato. “Nw aareku okv ho nyi vdwa mvkire okv
 rongo nga kvvbi rwktin lo tinriku. ¹⁰ Darwknv
 Kitaplo nonu sum puri rirung pvnvri?

‘Naam mvnv vdwwgv anyung kaama vla daranam
 vlwng ngv mvnwng a alvyachok nvgobv rito.

¹¹ Si Ahtu lokv ritoku;

Si ogu kaasartabobv kaanam go!’ ”

¹² Jius rigvnv vdww Jisunyi naatung tvvtoku, ogulvgavbolo ninyigv minchisinam minam v bunuam minikla mindu vla bunu ho tvchinto, vbvritola bunu nyitwng nga busunyato, vkvlvgabv bunu ninyia kayula okv vngyutoku.

*Lampu dorse lkwng nga tvunam
(Mt 22:15-22; Lk 20:20-26)*

¹³ Parisis nyi megola okv Herod gv nyi megola Jisu gvlo vngmuto ninyia tvu svgo tvka gvrila naatung dubv vla. ¹⁴ Bunu nw gvlo aala minto, “Tamsarnv, ngonu chindu no jvjv a mindunv, nyi vdww ogugo mvngdu ho lkwngbv mvngdwk mabv. No nyi vdww mvngnam lokv vngma, vbvritola nyi lvgabv Pwknvyarnv gv ogugo mvngnam jvjv nga tamsaryado. Ngonua minpalabv, Roman Dvbvyachok ka lampu dornam si ngonugv Pvbv nga rinying dunvri? Ngonu dordu bri vmalo dorma dubvri?”

¹⁵ Vbvritola Jisu bunugv gwngsi nama kaapatvla mirwksito, “Nonu ogubv nga naatung dubv gwngdunv? Ain lokdwng lo chargo bvnglwkjilabv, okv um nga kaamulabv.”

¹⁶ Bunu charkin go ninyigvlo bvnglwkw jito, okv Jisu tvvkato, “Si yvvgv nyukmu vla okv aminv?”

Bunu mirwkto “Dvbvyachok gv.”

¹⁷ Vklvgabv Jisu minto, “Alvdo, vbvrinamv, Dvbvyachok gvnga Dvbvyachoknyi jitoka, okv Pwknvyarnv gvnga Pwknvyarnvnyi jilaka.”

Hoka bunu Jisunyi lamngak panyatoku.

*Sinam lokv turkurkunam lkwng nga tvunam
(Mt 22:23-33; Lk 20:27-40)*

18 Vbvrikunamv nyi sinv, turkur madunv vnv Sadusis mego, Jisu gvlo aato okv minto. 19 “Tamsarnv, ngonugv lvgabv Moses so Pvbv nga lvkpv jito: ‘Nyi gunv atugv nywng nga kuu bvnigma dwbv siyu bolo ho nyi gv boruv hvngmi nga nywng mvla doogv gvrila siyunv nyi ho gvbv kuu bvnngji motoka’ 20 Lvko nvnga achiboru kanw go dooto; Achi yachokkv nywng naatoku okv kuu dooma dwbv siyuto. 21 Vbvrikunamv boru yangv nywng nga doogv toku, okv nw ka kuu bvnigma dwbv siyutoku. Boru aom nvnv vka vbvdvdbv ritoku, 22 okv vbvrikunamv boru dvdv ngv: boru kanw mvnwngngv nyimvmvga anga nywng mvto okv kuu bvnigma dwbv siyu nyatoku. Atar anyabv nyimvmvga angv sitoku. 23 Vjak, bunu kanw mvnwngngv ninyia nywng mvto, turkurdw alu lo vdwlo sinv mvnwngngv turkur rikunyi, nyimvmvga angv yvvgv nywngbv rirekudw?”

24 Jisu bunua mirwk toku, “Vdwgo nonu mvngmur nyadunv! Okv nonu chindure ogulvgabv? So si ogulvgavbolo nonu Darwknv Kitap a vmalo Pwknvyarnv gv jwkrw nga chima namv. 25 Vdwlo sinv vdvw turkur rikudw, bunu nyidogindung jvbv ririku okv nywngnyilu naami sikumare. 26 Vjak, sinv ngv turkur nama: nonu lvkoka Moses gv Kitaplo singnv amwng nga vmv gunam lkwng nga puri rika mapv nvri? Hoka svbv lvkdu Pwknvyarnv Mosesnyi minto, ‘Ngo kuna Abraham gv, Isaak gv okv Jakob gv Pwknvyarnv ngv,’ 27 Pwknvyarnv turnv vdwgv Pwknvyarnv ngv,

sinv gvngvma. Nonu achialvbu mvngmordu!” Pwknvyarnv turnv nyi vdwgv Pwknvyarnv ngv, bunu siro kujvka, turdunv. Nonu achialvbu mvngmordu!”

Kaiyachoknv Gamki

(Mt 22:34-40; Lk 10:25-28)

²⁸ Vbu raami sirilo Pvbv tamsarnv ako hoka tvvla dakto. Nw kaatoku Jisu sadusis vdwa alvrungbv mirwk gvnyibv vla, vkvlgabv nw Jisu gvlo tvusvgo mvngla aatoku: “Gamkinam mvnwng lokv kaiyachoknv gamlo yachokkv ogolo angv?”

²⁹ Jisu mirwkto, “Gamlo yachoknv sinv ‘Tvgap tvka, Israel! Ahtu ngonugv Pwknvyarnv mvngchik Ahtuv.* ³⁰ Ahtunyi paklaka noogv Pwknvyarnvnyi noogv haapok mvnwnglo, noogv dow mvnwnglo, noogv mongrumara mvnwnglo, okv noogv gwlvk mvnwnglo.’ ³¹ Gamnyi nvnv gamlo yachokkv si, ‘No kvvbinyi haka paktoka oguaingbv no atu nvnga paksudvdw.’ So gv gamlo gamnyi so lvvyabv ho kaiyanv gamkinam yagu kaama.”

³² Pvbv tamsarnv Jisunyi minto, “Tamsarnv, Alvbu ripv, so si jvju ngvrung no mingvnyibv, ho Ahtu mwng Pwknvyarnv ngv okv ho hokaka kvvbi Pwknvyarnv yago kaama vbvritola nw mwng. ³³ Okv nyi v Pwknvyarnvnyi haapok mvnwnglo pakrung laka, okv mongrumara mvnwng loka okv ninyigv gwlvk mvnwng loka; okv

12:29 Det 6:4,5 * **12:29** Ahtu ngonugv Pwknvyarnv mwngchik Ahuv VmaloAhtu ngonugv Pwknvyarnv, Ahtu mwngchikv.

12:31 Leb 19:18

12:32 Det 4:35

12:33 Hos 6:6

kvvbinyi haka no atu v oguaingbv paksudvdw vbv pakmin sirung laka. Svnwngsvmin okv kvvbi go Pwknvyarnvnyi erin rinji mamsenga so gv gamkinam gaam anyi sum achialv bvia tvvgap mvnggapla rise gorung.”

³⁴ Jisu kaapa toku vdwo alvrungdo ninyigv mirwknamv, okv vkvlgabv Jisu ninyia minpa toku, “No Pwknvyarnv gv Karv lokv adu ma.”

So kochingbv yvka Jisunyi tvu svnga choopu nyuma toku.

Kristo lkwngbv tvunam

(Mt 22:41-46; Lk 20:41-44)

³⁵ Pwknvyarnvnaam lo Jisu tamsar sardungla ririlo, nw tvunam go tvvkato, “Pvbv tamsarnv vdww Kristonyi Dabid gv husi gubv rire vla oguaingbv mindu nvdw? ³⁶ Dabidnyi Darwknv Dow lokv mimuto:

‘Ahtu ngoogv Ahtunyi minto:

Ngo noogv nyimak vdwa noogv lvpa lkwnglo

domuma dvdvlo ngoogv lakkiklo dootoka.’

³⁷ Dabid atubongv ninyia ‘Ahtu’ vla gokto; vkvlgabv Kristo oguaingbv Dabid gv husi bv ridubv?”

Jisu Pvbv Tamsarnv vdwa Gamrw toku

(Mt 23:1-36; Lk 20:45-47)

Nyitwng kairungv go Jisu gv minam a tvvpubv tvvria nyato. ³⁸ Nw gv bunuam tamsar rilo, nw minto, “Pvbv tamsarnv vdww jvtvlaklwk asudubv gvtola vngwng nyanv okv piokpamdorpamlo mvngdv konwng nyanv vdwa himasuto laka, ³⁹ Yvv jius kumkunaam vdwo alvnnv dooging

nga okv dvpam dvkulo alvyachoknv dooku haka gaknv. ⁴⁰ Bunu hvngmi vdwa rinvnvmindu okv bunugv naam a dvritpapidu, okv vbvrikunamv kaatamdu kunnam a asudvbw kumdu. Bunugv hiru rusengv sinama lvyabv rire!”

Hvngmi gv daan jinam
(Lk 21:1-4)

⁴¹ Jisu Pwknvyarnvnaam lo morko lwkku jampa nvchilo dooto, nyi vdvgv morko paalwk nama nw kaayato. Nyitvny nyi vdvw achialv kaibv morko nga paalwk nyato; ⁴² vbvrikunamv nyima harianv hvngmi go aalwk toku okv lokdwng charchingv charnyi go hikki arv go paalwk ngurvtu. ⁴³ Jisu ninyigv lwbwlaksu vdwa goklwkla bunuam minto, “Ngo nonua minpa dunv so nyima harianv hvngmi angv mvnwngnga kaiyabv Daan jampa so paalwk gvnyibv. ⁴⁴ Kvvbbi vdvw bunugv nyitvla lvvlin kunam a paalwk nyato; vbvritola hvngmi v, nyimaharia bv rirung dvlachin, nw vdwgo doopvdw hum lwknya chekato—nw ninyigv turgv nvvse ngaaka lwktar jito.”

13

Pwknvyarnvnaam gv yakgse nga Jisu mintoku
(Mt 24:1-2; Lk 21:5-6)

¹ Jisu Pwknvyarnvnaam lokv vnglin rikulo, ninyigv lwbwlaksu akonv ninyia minto, “Tam-sarnv, kaatoka! Si achialv kaapu rungngv vlvng okv naam go!”

² Jisu mirwкто, “Nonu kaadure kainv naam vdwsun? Vlwng pwkin goka dookulo doobwng kumare; mvnwng sum ngorlula ngora reku.”

*Adwkaku okv mvdwkmvku
(Mt 23:3-14; Lk 21:7-19)*

³ Jisu ninyigv Pwknvyarnvnaam kaatok gonvgv Olib Moodw lo doorilo Pitar, Jems, Jon okv Andriu bunu ninyi gvlo aasila aatoku. ⁴ Bunu minto, “Vdwnyi si ritv rinvdw ngonuam minpalabv, okv so gv mvnwng sokv ridw v aaduku vla ogu go kaaring sinv namgo richo tvdunvdw hum sin ngonua minjilabv.”

⁵ Jisu bunua minto, “Yvvka nonua mvvkup madubv himasito laka. ⁶ Achialvgo nyi v ngoogv amina gakka minsure, aagvrila minre, ‘Ngo kunv Jisu!’ okv bunu awgo nyi vdwa mvvkupre. ⁷ Okv vdwo nonu nyimak gv sidupvbin a nvchibv tvvla okv nyimak gv yunying nga adu lo tvvpala adwkaku mabvka. Vkv nvnga rirungjinv, vbvritola v rinya alu v aapvku vnam kaama. ⁸ Diringmooku mvnwngngv padar minsi reku; Karv vdww mvmsureku. Mooku mvnwnglo moobi hwkriku, okv ho dvmayarwng aariku. So vdww si kuu bvngtv rinyi huchi chichonam jvbv rire.”

⁹ “Nonuno atubongv himasito laka. Nonuam naatung reku okv kvbanaam lo boolwk reku. Nonuam Jius kumkunaam vdwo mvrit riku; Ngoogv lvkwng lokv bunua Gamlv a minpa dubv nonuam rigvnv vdww okv kvvbi vdwwgv kaagialo dakmure. ¹⁰ Vbvritola rinya alu v aama dwbv,

Gamlv nga chinggodogo haalung mvnwnglo japcho jirungre. ¹¹ Okv vdwlo nonuam naatung rekudw okv kvbanaam lo vnggv rekudw, nonu ogugo minsedw vla mvngchola mvngdwk mabvka; vdwlo mindw v aarikudw, minlaka vbvribolo ogugo nonua minpv jipvdw. Nonugv gaam minam vdww nonu gvngvma; v vdww Darwknv Dow lokv aareku. ¹² Nyiga vdww bunu atugv achiboru a mvki modubv laklwk reku, okv abu vdwwka bunugv kuu a vbvdvdbv rire. Kuu vdwwka bunugv anvabu vdwwka rirwk sire okv bunuam mvkisure. ¹³ Nyi mvnwngngv nonua ngoogv lvgalokv kaanwng mare. Vbvritola yvvdw rinya alu lobv gakbwngla rilin redw v ringnam a paareku.

Achialvby busu

(Mt 24:15-18; Lk 21:20-24)

¹⁴ “Nonuno ‘Achialv busu namgo hv mvyakmvchak jinv go.’ Hoka ninyigv dakma svngvlo dakdubv kaapare.” (Purinv vdwa mindu: Si ogu gonyi mindunvdw chirung laka!) “Vbvrikubolo yvv bunu Judia lo doodunv moodw bv kicha laka. ¹⁵ Yvvnyi angv nw gv naam namwng mwnglo aolo ridunv naam arwngbv yikungyira naadubv irung mabvka. ¹⁶ Yvvnyi angv rongolo ridunv ninyigv vji laklwk lvgabv naamlo vngkur kuyoka. ¹⁷ Hv alu v nyimvmvvgv vdww kuu gvdunv okv anv vdww yvv anga ajingnv doodunv ho vdwwgvbv achialvby alvmanv gobv rire! ¹⁸ Svkv nvngv kamching poolu lo rima dubv Pwknvyarnvnyi

kumtoka! ¹⁹ Ho alu gv hirukaya ngv Pwknvyarnv gv nyiamooku a pwklynarlin rilokv vjak lobv nyia nyi vdwgv hingkw kunam um svnga si achialvbv alvmanv gubv riyare. Vbvdvdbv kokwloka vkvnggo lvko ridv kumare. ²⁰ Vbvritola Ahtu ho alua loodwng modu; nw vbv rimabolo, yvvka turla renyu mare. Nw gv darkunam nyi vdwgv lvgabv, nw ho alu vdwa loodwng mopvrv.

²¹ “Vbvrikunamv, ‘Kaatoka, Kristo si doodukv!’ Vmalo, ‘Kaatoka, nw alo hv!’ Vla nyi gonv nonua minbolo—ninyia tvjing mabvka. ²² Mvvnvrurv Kristo ngv okv mvnvrurv nyikrwkaanv aare. Rilabolo bunu Pwknvyarnv gv nyi vdwa mvvkup dubv lamrwpadubv okv kaapunv rila kaatamre. ²³ Nonuno atugv lvgabv hima silaka! Ridw hv aamadwbv ngo nonua ogumvwnv nga mincho jipvkunv.”

*Nyia Kuunyilo gv aakunam
(Mt 24:29-31; Lk 21:25-28)*

²⁴ “Hirukaya alu vdww vngro kochingbv, Doonyi hv kanv riku okv Poolu vka loung kumare, ²⁵ takar vdww nyidomooku lokv holu re, okv nyidomooku tolo jargvrv gwlvk hv bunugv lokv ngeyu reku. ²⁶ Vbvrikubolo nyia kuunyilo ngv daklvk riku, jwkrw kairungv okv yunglit nvgobv rila doomwk lo aareku. ²⁷ Nw ninyigv nyidogindung vdwa nyia mookugv chenyung api lo vnglin more okv nyido dootar gonv lokv dootar

13:19 Dan 9:27; 11:31; 12:11 **13:24** Aij 13:10; Jol 2:10,31; 3:5; Nyikrw 6:12; Aij 13:10; Eje 32:7 **13:25** Aij 34:4; Nyikrw 6:13; Jol 2:10 **13:26** Dan 7:13; Nyikrw 1:7

gonv lobv Pwknvyarnv gv darnam nyi vdwa makum more.

Koksitkokrik singnv lokv kaachin sinam
(Mt 24:32-35; Lk 21:29-33)

²⁸ “Koksitkokrik singnv lokv nonu kachin su-toka. Vdwlo so gv hakbv ngv jijibv okv kaapubv riri kudw okv anv harlin rapku bolo dwrw hv nvchi duku vla nonu chindu. ²⁹ Ho apiabv, vd-wlo nonu svkv nvnga ridubv kaapa rikudw, rirap dukubv, dwv nvchi duku vla nonu chinreku.*
³⁰ Nonu mvnggap laka so ogu mvnwng vdws si rire vjakgv nyi singnv mvnwng vdws si sima dwbv.
³¹ Siching nyido hv ngelare, vbvritola ngoogv gaam minam hv vdwloka ngemare.

Yvyka ho alu vmalo dwa chinv kaama
(Mt 24:36-44)

³² “Ho alu, vmalo dwv, vdwlo aarikudw hum chinv kaama-aomooku gv nyidogindung vdvwka, kuunyilo vka um chima; Abu mvngchik chindu.
³³ Kaaya laka, hula doolaka, vdwlo dwv aarikun-vdw nonu chima. ³⁴ So si nyi gunv atugv naam ha nyira vdwgvlo akin-akin gv rise nga parlwkla okv agi kaaya nvngaka kaaya dubv parlwk pela adu lo mooying vngyu nyonam aingbv rire. ³⁵ Himasuto laka vbvrikunamv, ogulvgavbolo nonuno chi-mado vdwlo naam gv atu hv aarikudw—si ar-ium nyika vmalo yupra nyika vmalo arumadv bv vmalo doonyie poklin madvbv. ³⁶ Nw dvmin-mabv aaku bolo, nonua yupla doodubv ninyia kaamu rungyoka. ³⁷ Ogugo ngo nonua mindudw,

* **13:29** dw hv nvchi duku, rirap tvduku; Vmalo nw nvchi duku, aatvduku **13:32** Lk 12:36-38

vbvrikunamv, ngo mindunv mvnwng ha: Hima silaka!”

14

Nyirunv vdwv Jisunyi rinying toku

(Mt 26:1-5; Lk 22:1-2; Jn 11:45-53)

¹ Vngbodvnam okv Vpap lwkmabv vtwng dvnam pumja alu vdwgv aase ngv loonyi go doo-dubv, nyibu butv vdwv la Pvbv tamsarnv vdwv Jisunyi nyi chimpa madubv naatungla mvkidubv vla kaakarnyato. ² Bunu minto, “Nyi vdwv yalungyachung bv rijila, ngonu pumja alulo sum riyojuka.”

Jisunyi Betani lo tvli piaktoku

(Mt 26:6-13; Jn 12:1-8)

³ Jisu Betani lo Saimon gv naam lo dooto, nw apin yaritla lvmma kunvgo. Jisu gv dvnam dvla doorilo, nyimvmvga ako daaching pumchup* gulo achialv arvdoonv nampunv piaknam ala darwk dubv mvlinnam vkv akudubv bvngla hila aato. Nw pumchup a mvkok gvrila nampunv ala um Jisu gv dumpo lo piakto. ⁴ Hoka nyi kvgunv haachirapto okv akonv akonyi raamisito. “Ogu rinvla nampu nvnga pwgga mindunv? ⁵ Sum lwngngom lvnv raaji lokdwng† gubv piokgv rila okv um morko nga heemanv vdwa jiya bolo alvnamv!” Okv bunu nyimvmvga nga achialvbv darminto.

14:1 Mog 12:1-27 **14:3** Lk 7:37,38 * **14:3** Daaching pumchup vnam si Alabastar vla Baibel lo lvkpvdo † **14:5** Silbar lokdwng kaatoka 6:37. Ain lokdwng lwngngom si nyi akin gv anying nywng go nyilap lapkwng nama kaaring sidu.

⁶ Vbvrítola Jísu minto, “Níníyia akínbǎv kayu tvka! Ogubv nonu níníyia mindwkminku yadunv? Nw ngam alvngvgo okv kaapu rungvngvgo rijipv. ⁷Nonu aludwkia heemanv nyi vdwa lvkobv ribam tvdu, okv vdw dw lo mvngridw, nonu ho bunua ridurladu. Vbvrítola nonu nga aludwkia lvkobv doobam paamare. ⁸Nw ogugo rila pvdw nw rigvnyibv; Nw nampunvnga ngoogv ayaklo pi-aknam si ngam nyibung riidwlo rise nga riicho dunv. ⁹Vjak, ngo nonua jvjvbw mindu, ogoloka ho Gamlv nga nyiamooku mvnwng so japgo redw, ninyigv rinamsum, níníyia mvngpala minpa nvnv gobv ribwngre.”

Jisunyi Judas koa dukubv tolwk toku
(Mt 26:14-16; Lk 22:3-6)

¹⁰Vbvrikunamv Judas Iskeriot, lwbwlaksu vring gola anyi lokv akonv, nyibu butv vdwgvlo Jisunyi bunu gvlo koa lwkdvb vla vngtoku. ¹¹Bunu ninyigv minam ha tvvla mvngpu nyatoku, okv níníyia morko jidubv milv nyato. Vkvlgabv Judas Jisunyi bunu gvlo laklwkdvb alvnn dw makarto.

Jísu lwbwlaksu vdwa lvkobv vngbo dmin dvbam toku
(Mt 26:17-25; Lk 22:7-14,21-23; Jn 13:21-30)

¹²Vpap lwkmbav vtwnv dvdw pumja gv loo-cho alulo, ho alu vngbodvnam lvgabv svlarkuu nga mvki toku, Jísu gv lwbwlaksu vdwv níníyia tvvkato, “Ogulo no ngonua vngbodvnam dmin nama noogv lvgabv richola ripv tebv vngnyika mvngdunv?”

¹³Vbvrikunamv Jísu bunugv lokv anyi gonyi svbv milwk gvrila vngmuto: “Banggu alo

aaika, okv nyi go isi pvchwng joonv go nonua vngrwksire. Ninyia vngming gvla ¹⁴ ninyia naam arwng aaming gvla, okv naam atua minlaka: “Tamsarnv mindu, ngo la okv ngoogv lvbwlaksu vdwv vngbodvnam dvjiku karchung ngv ogolola?” ¹⁵ Vbvrikunamv nw nonua aolo kairungnv karchung go kaapubv okv mvdum ridumla pvvnamgo kaatamre, hoka nonu ngonu gvbv ogumvwnwg nga mvpvripv nama paare.”

¹⁶ Lvbwlaksu vdwv vngrapla, okv banggu lo vngtoku, okv Jisu gv bunua mingkunam aingbv ogumvwnwg nga paatoku; okv bunu vngbodvnam ha mvpvripv toku.

¹⁷ Vdwlo arium tokudw, Jisu lvbwlaksu vring gola anyia lvkobv aatoku. ¹⁸ Bunu tvbul lo dvbamla doorilo, Jisu minto, “Ngo nonua mindu, nonu lokv akonv ngam koare—ho angv nga lvkobv dvbamdu.”

¹⁹ Lvbwlaksu vdwv mvngru toku okv ninyia tvvka ripto akonv kochingbv akonv, “Jvjv bv no nga mima dvbvre, no midunvre?”

²⁰ Jisu mirwkto, “Hv nonu vring gola anyi lokv akonv yvv ngam lvkobv pwrw lo ninyigv vtwng nga nwkbok minggvnv. ²¹ Nyia kuunyilo ngv Darwknv Kitaplo nw vbvrire vnam aingbv rila sire; Vbvritola nyia kuunyilo nga koanv nyi hv vdwo mvnglv manam mvngru hiru gobv rirekudw! So nyi so gv lvgabv alvyajibvnyi ninyia bvnglin manv guilo.”

Ahtu gv Dvtardvnya dvgvnam
(Mt 26:26-30; Lk 22:14-20; 1Kor 11:23-25)

²² Bunugv dvla doorilo, Jisu vtwnng alap go naato, umbonyikv vla kumto, um pimwkto, okv um ninyigv lwbwlaksu vdwa jitoku. Nw minto, “Sum naatoka si ngoogv ayak hv,”

²³ Vbvrikunamv nw koobu a naata toku Pwknvyarnvnyi umbonyikv vto, okv um bunua laklwk toku; okv um bunu mvnwnngngv tvngbam toku.

²⁴ Jisu minto, “Si ngoogv oyi hv, mvnwnng gv lv-gabv sarlin pvnv, ngoogv oyi hv Pwknvyarnv gv mingkimiyak nama miu pvvnam hv. ²⁵ Ngo nonua mindu, ngo so gv anggor ala sum vdwloka tvngku mare vdwlo Pwknvyarnv gv Karv lo sum anw bv tvngma dvdvlo.”

²⁶ Vbvrikunamv bunu miriminpak go minto kula okv Olib moodw bv vnglin nyatoku.

*Jisu Pitar gv mvvse nga mincho jitoku
(Mt 26:31-35; Lk 22:31-34; Jn 13:36-38)*

²⁷ Jisu bunuam minto, “Nonu mvnwnngngv ngam kayupila kireku, Darwknv Kitap hv mindu, Pwknvyarnv mvkire svlar kaaya nvnga, okv svlar mvnwnng hv kiyak karriku. ²⁸ Vbvritola ngoogv turkurro kochingbv, ngo Galili lo nonua vngchoyare.”

²⁹ Pitar mirwkto, “Mvnwnngngv vbv risujeka, ngo nam vdwloka kiyumare!”

³⁰ Jisu Pitarnyi minto, “Ngo nam mindunv, siyu gv ayulo rokpu hv lvnyi go kokma dwbv ho no ngam chimapvnv vla lvom go minre.”

³¹ Pitar abuyabv atorla mirwkto, “Ngo nam lvkobv sidajeka, vdwloka ngo vbv mimare!” Okv kvvbi lwbwlaksu mvnwnng vka lvkobv vbv mintoku.

Jisu Getsemane lo kumtoku
(Mt 26:36-46; Lk 22:39-46)

³² Bunu Getsemane vnam mooku lo aalwkto, okv Jisu ninyigv lwbwlaksu vdwa minto, “Ngoogv kumrinyi soka dooyato.” ³³ Jisu Pitar, jems, okv Jonnyi lvkobv vnggv linto. Achialvbv mvngdwk okv sakdwk kv ninyi gvlo aalwk toku, ³⁴ okv nw bunuam minto, “Ngoogv haapok so gv mvngdwk v achialvbv kaiyajvla v nga cheloyanga mvdup duku. So dooyato okv kaayato.”

³⁵ Jisu achuk gobv adu vngto, nw atubongv kvdwlo gipvto, okv vbv kumto, rinyubolo, nw hindarkasu hinkulo vngmadubv vla. ³⁶ Nw kumto “Abua” “Ngoogv Abua! No gvbv ogumvnwng nga rinyudo. Mvngdwk gv koobu sam ngoogv lokv naapak labv. Vbvjvka ngoogv mvngnam bvma, vbvritola noogv mvngnam bvka.”

³⁷ Vbvrikunamv nw linkurto okv lwbwlaksu aoma yupngakla doodubv kaapato. Nw Pitarnyi minto, “Saimon, no yupdu nvri? Nonu gunta akin gv lvgabvka hula doonyu mai?” ³⁸ Okv nw bunua minto, “Hula doobwngto, okv nonu v ho pooka-yarka lo gilv madubv kumtoku. Dow hv alvvnnga rinwngdu vbvritola adwn hv nyakriadu.”

³⁹ Nw lvkodv vngdvla okv kumtoku, minam akin gaam a minbwngto. ⁴⁰ Vbvrikunamv nw lwbwlaksu vdwo aakur toku okv bunuam yupdubv kaapato; bunugv nyik hv nyiktarla bunu doonyu mato. Okv bunu chima toku ninyia ogugo mirwk svngvdw.

⁴¹ Nw vdwo lvom nvnv bv aakur dvto, nw bunua mintoku. “Nonu vjak gudvbv yupdvla okv doomin nyaduai? Hv kubvcho! Kaatoka Nyia

Kuunyilo a rimurnv nyi vdwgv laak lo laklwkdw v aadukunv! ⁴² Godung to, klai ngonu vnglaju. Kaatoka, siinv yvvdw nga koanv nyi angv!”

Jisunyi naatung kunam

(Mt 26:47-56; Lk 22:47-53; Jn 18:3-12)

⁴³ Vdwlo Jisu gv gaam mindung dvdubv vring gola anyi lvbwlaksu lokv akonv Judas, aachitoku. Nw gv aakulo lvkobv nyibu butv vdwgv, Pvbv tamsarnv vdwgv okv nyiga vdwgv kanamla vngmunam vkv riokse, okv daadwng bvngnv nyitwng go aaming gvto. ⁴⁴ Koanv nyitwng nga riring rima go mirwjito. “Ngo yvnyi mopup redw hv nonugv naajinam nyi angvla. Nw ha naatung laka okv ninyia kaaria kolo boolwkla vnggvlaka.”

⁴⁵ Judas aachi sopikda, nw Jisu gvlo aato okv minto, “Tamsarnv!” Okv ninyia moopupto.

⁴⁶ Vkvlgabv bunu Jisunyi naatung toku okv ninyia laak ha achialvbv gakbwng toku.

⁴⁷ Vbvrítola hoka daknv nyi akonv atugv riokse nga svlin gvrila okv Nyibu Butvyachok gv pakbua nvnglinla nyarung ha paluto. ⁴⁸ Vbvríkunamv Jisu minrap lakula okv bunua minto, “Nonu riokse okv daadwng gv lvkobv aala nga naatung dubv ripv ai, ngam Pvbv agumlo rin v aingbv?” ⁴⁹ Ngo alu gv dwkibv Pwknvyarnvnaam lo nonuam tamsarla rito, okv nonuno nga naatung mato. Vbvrítola Darwknv Kitap gv minam hv jvjvbv aarungre.”

⁵⁰ Vbvríkunamv lvbwlaksu mvnwngngv ninyia kayupila okv adubv kitoku.

⁵¹ Nyi yaapa rungnvgo, vji pakria gvnvgo, Jisu gv kochinglo vngming gvto. Nw ha bunu naatung

tvvto, ⁵² vbvritola nw vji ha adarlo kayupila ayak abinbv kiyu toku.

Jisu kvbadopam lo daklin toku

(Mt 26:57-68; Lk 22:54-55,63-71; Jn 18:13-14,19-24)

⁵³ Vbvrikunamv Jisunyi Nyibu Butvyachok gv naam lo aagv toku, hoka nyibu butvvnv vdww, nyiga vdww, okv Pvbv tamsarnv vdww doopam nyato. ⁵⁴ Pitar adu bv vngming gvto okv nyibu Butvyachok gv naam gv pvrvlo aaming gvto. Nw atu v hoka agi dakrianv vdwa lvkobv, vmv yigu mingvla dooto. ⁵⁵ Nyibu butv vdww okv dookumnv mvnwng hv rikw nyato Jisunyi mingging nvnv malinla ninyia mvkinvdubv, vbvritola bunu ogugoka malin nyumato. ⁵⁶ Achialvnnv mvvnam vkv Jisunyi minv nyato. Vbvritola bunugv minam hv lvin akin mato.

⁵⁷ Vbvrikunamv nyi kvgonv dakrapla okv so mvvnam gaam sum Jisu gvlo milwkto: ⁵⁸ “Ngonu ninyia vbv mindubv tvvto ‘Ngo nyi gv mvnam Pwknvyarnvnaam sum mvyakre, okv alu loum kochinglo ngo ho nyi gv mvmanam ako mvre.’” ⁵⁹ Bunu mvngchikma, vbvrijvka, bunugv minam ha lvin akin dubv minyu mato.

⁶⁰ Nyibu Butvyachoknv mvnwng gv kaagialo dakrapla okv Jisunyi tvuto, “Bunu mvnwng gv nam gungnying lwknam ha no ogu mirwk sise kaama lare?”

⁶¹ Vbvritola Jisu sudu mato okv gamgoka milin mato. Lvkodv nyibu Butvyachoknv Jisunyi tvuto, “No Kristo rungre, Ngonugv kumnamjonam Pwknvyarnv gv kuunyilo vrungre?”

⁶² “Vm Ngo mabv,” Jisu mirwкто “Okv Nyia Kuyunilo ngam kainv Pwknvyarnv gv lakkiklo doodubv okv nyidomooku tolokv doomwk lo aadu bv nonu mvnwngngv kaapare!”

⁶³ Nyibu Butvyachoknv atugv vji ha putak‡ puyak sito okv minto, “Ngonu so gv aolo kvvbi tvvlakaala minjinv yago dинchi kuma! ⁶⁴ Nonu ninyigv Pwknvyarnvnyi nyarjitari nama tvvgvny-ibv. Nonugv minbwk svngv ogugola?”

Bunu mvnwngngv ninyia tokum lwktoku: nw rimur rungpv sirung dubv ripv.

⁶⁵ Bunu kvgonv Jisunyi tachor chorbiak rпто, okv bunu Jisu gv nyik a putumto okv ninyia nwкто. “Minjwk kaato yvvla nam nwкbu hv!” Bunu minto. Okv dakriantv vdwv ninyia svbiak svriakto okv ninyia vnggv toku.

Pitar Jisunyi chimakv vkunam

(Mt 26:69-75; Lk 22:56-62; Jn 18:15-18,25-27)

⁶⁶ Vdwlo Nyibu Butvyachok gv nyijar paknv vdwlokv akonv aalwkrilo Pitar vjaklodvbv pvrvlo doodvto. ⁶⁷ Vdwlo hv Pitarnyi vmvlo atubongv yigula doodubv kaapa pvdw, hv ninyia kadichinchila kaato okv minto, “No kai Najareth Jisu gv lvkobv rinvgо ai.” ⁶⁸ Vbvritola nw um mvvtoku. “Ngo chima... No ogugo mindunv ngo tvvchinma,” nw mirwksito, okv nw aagia gv agi dookubv vngyi toku. Vbvrikunamv vjakpi gubv rokpu ako koktoku. § ⁶⁹ Paknv nyijar angv ninyia hoka kaatola okv kaala daknv vdwa mindvjito, “Nw

14:62 Dan 7:13 ‡ **14:63** Vji putakpuyak nam si achialvbv sakchala mvngrunam Jius ridung vngdung lo. § **14:68** Megonv kitap lo doomadovjakpi gobv rokpu ako kokto.

bunugv lokv akonv!” ⁷⁰ Vbvritola Pitar lvkodv um mvvdvto. Achakgu ayungjvma nga dakbam vdww Pitarnyi gungnying milwkto, “No mvvnyu mare ho bunugv lokv ako nvngvma vla, ogulvgavbolo no ka, Galili lokv mabv.”

⁷¹ Vbvrikunamv Pitar minto, “Ngo atubongv jvjvbw ho milv sidunv! Ngo jvjvbw minma dvnvlo Pwknvyarnv ngam mvrit laka! Nonu yvvnyi mindunv ho nyi anga ngo chima!”

⁷² Vbv minam gola rokpu hv lvnyi nvbv kokto, okv Pitar Jisu ogugo ninyia minpvkudw mvngpa toku, “Rokpu hv lvnyi go kokma dwbv ho no lvom go nga chima vla minre.” Okv nw mvngdwk hv mvngtung sinyu kumabv rila kaptoku.

15

Jisunyi Pilot gvlo boolwk kunam

(Mt 27:1-2,11-14; Lk 23:1-5; Jn 18:28-38)

¹ Arukamchi bv nyibu butvnnv vdww, baapubv nyiga vdwa, Pvbv tamsarnv vdwa, okv dookum mvnwnngnga lvkobv kaarwksuto. Okv bunugv rungnam vdwa mvtoku. Bunu Jisunyi jaako lvk-tola, ninyia vnglin gvto, okv Pilot gvlo ninyia laklwk toku. ² Pilot ninyia tvuto, “No Jius vdwgv Dvbv ngvri?”

Jisu mirwkto “No gv minam v mabv.”

³ Nyibu butvnnv vdww Jisu gvlo gungnying awgo milwkto, ⁴ vkvlgabv Pilot Jisunyi tvvdidvto “No mirwk dubv mvngmare? Tvvtoke vdwgo bunu mvnwnngngv nam gungnying lwkdunv!”

⁵ Lvkodv Jisu gamgoka mirwk sumato, okv Pilot mvngngak pala mvngtoku.

Jisunyi simu dukubv minkunam
(Mt 27:15-26; Lk 23:13-25; Jn 18:39-19:16)

⁶ Vngbodvnam Pumja ngv rirap dwkibv Pilot gvlo vkvnv ribwng namgo dooto patwklo tumnam nyi vdwlokv akonyi nyi vdwgv koonam anga anyubv limu dukubv. ⁷ Vbvriri ho nyi ako aminv Barabas vnam gonyi vdwa yalung dula gwngrw gwnv go patwk arwnglo dooto. ⁸ Vdwlo nyitwng ngv vngkum tokudw okv bunu Pilot ninyigv ribu ha rijilabv vla kooto. ⁹ Nw bunua tvvkato, “Nonu ngam jius gv Dvbw nga nonugv lvgabv anyubv topu jilabv vla mvngdure?” ¹⁰ Bunugv tanyum gvnam lokv nyibu butv vdww Jisunyi ninyi gvlo laklwk dunv vla Pilot alvrungbv chinto.

¹¹ Vbvrkola nyibu butvvnv vdww nyitwng nga bunugv lvgabv Barabasnyi anyubv tulin jilabv vla Pilotnyi mintokv vla miarto. ¹² Pilot nyitwng nga lvkodv tvvkato, “Vbvrikunamv, nonugv Jius vdwgv dvbv ngv, vnam nyi sum ngam ogu ritokv vla mvngdu?”

¹³ Bunu rumla gokorto, “Ninyia Daapolo takki toka!”

¹⁴ Pilot tvvka tokuda, “Vbvrkola ogunv rimur gula nw ripvvnv?” Bunu abuyabv rumla gokto “Ninyia Daapolo takki toka.”

¹⁵ Pilot nyitwng nga rinyok dubv mvngto, vkvlv-gabv nw bunu gvbv Barabasnyi anyubv tulin jitungu. Vbvrikunamv Pilot Jisunyi svnyak pamutoku, okv bunugv laaklo ninyia daapo lo takki dukubv jilwk toku.

Sipai vdww Jisunyi nyarjikau toku
(Mt 27:27-31; Jn 19:2-3)

¹⁶ Sipai vdww bunugv ajin vdwa gokkum silaila Jisunyi Pilot nyigam gv kvba baaku pvrvlo vng-gvtoku. ¹⁷ Bunu lvngching lwngbonv vji vkv jvtvlaklwk gubv Jisunyi pilwtko, tvv doonv hakbv lokv dunggar bv mvto, okv um ninyigv dumpo lo pilwtko. ¹⁸ Vbvrikunamv bunu salaam mvminto: “Jius vdwwg Dvbw ngv turbwng laka!” ¹⁹ Bunu ninyigv dumpo nga daadwng lokv dvngto, ninyia tachor chorke toku. Ninyia bunu lwbwng ngv kumpvto, okv guplwtko. ²⁰ Vdwlo bunu ninyia rijirio svngam rinya tokudw, bunu ninyigv ayak lokv lvngching lwngbonv vji pilwk nama pilin-toku okv ninyigv vji gwbwng nama pikkur lwk-toku. Vbvrikunamv bunu ninyia daapolo takki dubv linggv toku.

Jisunyi Daapo lo takki kunam

(Mt 27:32-44; Lk 23:26-43; Jn 19:17-27)

²¹ Lamtvlo bunu nyi go aminv Saimon vnamgo vngrwk suto nw mooku lokv pamtv bv aan-vgo, okv ninyia sipai vdww Jisu gv Daapo ngam joodu bv mililalato. (Saimon nw Sairene lokv okv Alekjandar gvla Rupus gv abuv.) ²² Bunu Jisunyi Golgota vnam mooku lo aalwk gvto. “Gol-gota vnam si dumku gv mooku.” ²³ Hoka bunu ninyia anggor ala lo nvnv mvyomvchinam miir vnam, vkv jitv tvvto, vbvritola Jisu um tvngmato. ²⁴ Vbvrikunamv bunu ninyia hoka daapolo takki toku okv ninyigv vji ha bunu mvnwng hv ormi sitoku, vji arip ha yvv paaridw vla kaakanvbw vl-wng lika suto. ²⁵ Vdwlo ninyia bunu Daapolo takki rilo ho aru gv gunta kiya baji bv ritoku. ²⁶ Ninyia

gungnying lwgvnvngv nga “Jius vdwgv Dvbv” vla lvtola kaapadubv timpvto. ²⁷ Bunu dvritnaar-itnv nyi anyi goka Jisunyi lvkobv akonyi lakbik kyambv okv akonyi lakchi kyambv takkito.* [²⁸ Vkv aingbv Darwknv Kitap hv jvjvbw ritoku ho mindu “Nw alvmanv nyi vdwgv aje ha naapin sipv”]

²⁹ Lamtv lokv vngpiknv nyi vdww dumpo ngv dumpv panyula rying dvla Jisunyi minjimiobv svbv minto, “Ah ha! No Pwknvyarnvnaam ha mvyak gvrila alu loum lo mvrung tvdukui! ³⁰ Vjak Daapo hokv itokuka okv no atu hv mvtursito kuka!”

³¹ Vbvdvdbv nyibu butvngv vdww okv Pvbv tamsarnv vdww, Jisunyi nyarji minto, bunu mimisito, “Nw kvvbi vdwa ringlato, vbvritola nw atu hv ringsu-nyuma! ³² Klai kaalaju Kristonyi, Israel gv Dvbvnyi, vjak Daapo lokv idu kubv, ho ngonu ninyia mvngjwng rikunv!”

Okv ninyia takulo taktanam nyi anyi vka Jisunyi minjimiola mindvto.

Jisu gv sikunam

(Mt 27:45-56; Lk 23:44-49; Jn 19:28-30)

³³ Vdwlo alu lopo tokudw, mooku mvnwngho kanv toku, v gunta aom gubv doobwngto. ³⁴ Gunta aom baji bv Jisu gamtv rungbv gokla minto “Eloi, Eloi, lama Sabakthani?” So vnam si “Ngoogv

* **15:27** Megonv kitap lo bars 28 sum lvtamdo: Ngo nonua mindunv Darwknv Kitaplo mindu, ‘Nw rimur nvgv gungnying nga gvvria jito,’ vnam ngoogv lvga ngv jvjvbw aarung reku”(Kaato Lk 22:37). **15:28** Aij 53:12 **15:28** Aij 53:12 **15:29** Miri 22:7; 109:25; Mk 14:58; Jn 2:19 **15:34** Miri 22:1

Pwknvyarnv, ngoogv Pwknvyarnv no ogu bv ngam topak duku nvla?”

³⁵ Nyi mego hoka doonv vdww ninyigv minam um tvgvvila minto, “Tvvvtoke nw Elijanyi gokdu!”

³⁶ Bunugv lokv akonv riolwvto tachak pupam go bvngla, um kungsoknv opolo nwkbokto, okv um singda nyiktoklo pubwngto. Vbvritola nw um Jisugv naptwng naborlo tungsala tungpvto okv minto, “Dooyato! Klai kaalaju lvkonyika Elija aala ninyia Daapo loka naalu ridw!”

³⁷ Gamtv rungbv gokto kula Jisu sitoku.

³⁸ Pwknvyarnv gv naam arwnglo darwk yachoknv karchung lo vji torchik nvnv ngv mvn-gring lokv lvtwng lobv taknyi gubv takpinsito.

³⁹ Sipai nyigam daapo kaagia gv nvchilo daktola, Jisu oguaingbv sipvdw um[†] vdwwlo kaatodw nw svbv minto, “Si Nyi si jvjvbw Pwknvyarnv gv kunyilo gurung!”

⁴⁰ Hoka nyimvmvva vkv mego, adu lokv kaatinla dakto. Hv bunu Meri Magdalene, boruya Jems gvla Josep gv anv Meri okv Salom. ⁴¹ Bunu Jisu gv Galili lo rerilo remin gvnnv ngv okv ninyia ridur nvngv. Okv ninyia vngming gvla Jerusalem lo vngming gvnnv nyimvmvva vkvsin awgo rito.

Jisunyi nyibung riikunam

(Mt 27:57-61; Lk 23:50-56; Jn 19:38-42)

⁴²⁻⁴³ Arium dindin bv ritoku, vdwwlo Arimatia lokv Josep aalwk todw. Nw Jius kvba vdwgv mvngdvnam nyi gubv rito, nw Pwknvyarnv gv Karv gv aase nga dooya nvgo. Ho alu hv Richo

[†] **15:39** Megonv kitaplo doodukapkok toku okv sitoku. **15:40**
Lk 8:2,3

minchola ridw alu bv rito (Vnamsi Jius Doonu-
 alu ham loochoyanv), vkvlgabv Josep mvngrwla
 Pilot gv dookulo aala Jisu gv svma nga koto.
⁴⁴ Jisu sipvku vnam ha tvvtola Pilot achialvbv
 lamtoku. Nw sipai nyigamnyi gokla okv Jisu kajo
 sirokuri vla tvvkato. ⁴⁵ Sipai nyigam gvlo tvgapro
 kochingbv, Pilot Josepnyi svma nga naala duku
 vla minto. ⁴⁶ Josep vji jebor go rvvgv rila, svma
 nga naalu laku, vji jebor hv tungv rikula, okv
 nyibung arwnglo vvpv toku, nyibung ngv vlwng
 lvngtak golo dulwknam go. Vbv mvgvrila nw agi
 a vlwng pwktv rungnvgo ngortum to. ⁴⁷ Meri
 Magdalene okv Josep gv anv Meri bunu kaariala
 okv Jisu gv svma nga vvpv kongkaatoku.

16

Turkurkunam

(Mt 28:1-8; Lk 24:1-12; Jn 20:1-10)

¹ Jius Doonualuv vngro kochingbv, Meri Mag-
 dalene, Jemsgv anv Meri, okv Salom bunu Jisu
 gv svma lo piakdubv vla amok nampunv vkv
 rvvtoku. ² Vjwng alu gv achialv arukamchi
 bv, doonyi chaalin dukubv, bunu nyibung lo
 vngto. ³⁻⁴ Bunu lamtvlo akin akin v raami sila
 vngto, “Yvvkudw ngonugv lvgabv nyibung agi
 gv vlwng a ngorkok jijinv?” (Ho vlwng angv
 maatarbv pwktv nvgo.) Vbvrikunamv bunu
 kaadung namv vlwng ngv ngorkokla doodubv
 kaapato. ⁵ Vkvlgabv bunu nyibung arwnglo aato,
 hoka bunu nyi yaapa go yapungnv vji gvnvgo
 lakkik kyambv doodubv kaapato, ho bunu lamla
 busuto.

⁶ Nw minto, “Lamla busu mabv” “Ngo chindu nonu Najaret lokv Jisunyi makardu, yvnyi daapo lo takki nama. Nw so dooma—nw turkur roku! Kaatoka bunugv ninyia vvpv kongu. ⁷ Vjak vngyikula okv ninyigv lwbwlaksu vdwam, Pitarnyi mintala bunua so doin sam minji tekuka: ‘Nw Galili lo nonua vngchoyare; ninyigv nonuam mintam kunam aingbv, nonu ninyia alo kaarwk sire.’ ”

⁸ Vkvlgabv bunu achialvbw mvngdwkla okv lamla nyibung lokv jokla kula vnglintoku. Bunu yvnyiika ogugo mimato, ogulvgavbolo bunu busu nyato.

*GAMLV NGA AKU BV LVKNYA NAMGO**

*Jisu Meri Magdalenenyi kaatam sutoku
(Mt 28:9-10; Jn 20:11-18)*

[⁹ Jisu gv sitokula turkurro kochingbv Vjwng alu gv arukamchi bv, nw Meri Magdalenenyi kaatam sichoto, ninyigv uyuvram kanw go charlin kunam anga. ¹⁰ Nw vngtoku okv mvngdwkla kapla rila doonv Jisu ninyigv lvkobv rigvnam bunu vdwa mintam jitoku. ¹¹ Bunu Jisu turpvku okv nw Jisunyi kaarwksuto vnam um tvvtolaka, bunu hum jvjvbw mvngma nyato.

*Jisu lwbwlaksu anyia kaatam sutoku
(Lk 24:13-35)*

¹² So kochingbv, Jisu nyidum anyi gonyi akusubv kaatam sutoku vdwlo bunu bunugv diringmooku lamtvlo vngrilo. ¹³ Bunu vngkur

16:7 Mt 26:32; Mk 14:28 * **16:8** Mgonv kitap lo krim gv lvknam lo Galv lo so lvktarlvknya namv (bars 9-20 vdww si) doomado

toku okv kvvbi vdwa minpa toku vbvrijvka bunu hum tvvjing mato.

*Jisu vring gula akin a kaatam sutoku
(Mt 28:9-10; Jn 20:11-12)*

¹⁴ Ataranya bvku, Jisu lwbwlaksu vring gola akin gonyi kaatam sutoku bunugv dvnam dvla doorilo. Nw bunua yamtoku ogulvgavbolo bunu gvlo mvngjwng doomato okv ogulvgavbolo bunu achialvbw tvvjing nyuma nvgobv rito yvv bunu ninyia turpv vla kaatola mintam namaka tvvjing mato. ¹⁵ Nw bunua mintoku, “Vngnyika nonu nyiamooku mvnwnvlo okv Gamlv nga nyi mvnwnvlo jappi teka. ¹⁶ Yvv bunu mvngjwngla Baptisma naaredw v bunu ringnam a paareku; Okv Yvv bunu mvngjwng maredw bunu ngooriku. ¹⁷ Mvngjwngnv vdwgvlo svkvnv lamrwpabv rigvnnv jwkrw ngv lvkobv dooming gvriku: Bunu ngoogv amin lokv uyuvram vdwa charpakre; Bunu akusunv gaam japlare; ¹⁸ Bunu tabw vdwa naarapjeka vmalo chumdwk haka tvngjeka, bunua ogu rimare; bunu nyi lvvmanv aolo laak lakpvbolo lvvmanv poyariku.”

*Jisunyi nyidomooku bv naacha kunam
(Lk 24:50-53; Nyim 1:9-11)*

¹⁹ Ahtu Jisu gv bunua mintamro kochingbv, ninyia nyidomooku bv naacha toku, okv ninyia Pwknvyarnv gv lakbik kyamlo doomu toku. ²⁰ Lwbwlaksu vdwv vnglintoku okv mooku mvnwnvlo jappo jitoku, okv Ahtu bunua lvkobv

reming gvto okv bunugv jappi namv jyv gorung
mvngdubv lamrwpadubv rila kaatam jitoku.]

ANWNV GAMLV

Tagin first Bible translation based on TEV (Good News)

copyright © 2018 The Word for the World International

Language: (Tagin)

Contributor: The Word for the World International

The New Testament in Tagin

Published as

ANWNV GAMLV

The Word for the World International

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2023-08-23

PDF generated using Haiola and XeLaTeX on 13 Jul 2024 from source files dated 15 Apr 2023

65e96bca-33d6-5dc6-a8ee-da485ecfb7ed